

玉海



040

1000:25

34833

040
1000
=25

34833



漢卷第五十八

漢儀王應麟伯厚甫



藝文

傳

尚書注云傳即注也以傳述為義史記索隱云列傳者叙列人臣事跡令可傳於後世解名曰解也

後人也

黃帝星傳 內傳

見天文類

書目黃帝內傳一卷題錢鏗得於石室

劉向校書得之蓋依託云

2271/1236/05

禹大傳

文選離騷經王逸注禹大傳曰滄溟之水出崦嵫之山

周王傳

穆天子傳

唐志

穆天子傳六卷

晉書云五篇

隋志

六卷汲冢書郭

璞注

起居

晉時得汲冢書有穆天子傳體制與今起居正同蓋周時內史所記王命之副也

春秋正義

周王

遊行五卷

文選陶潛讀山海經詩况覽周王

傳

中興書目

六卷晉太康二年汲郡民發古冢得

之其書言穆王遊行之事侍中荀勗等校正郭璞爲

之注序曰謹以一尺書紙寫上請付祕書繕寫藏之
中經副在三閣詔荀勗和嶠等以隸字寫之六卷八
千五百一十四字書經註義漢書注拾遺記穆王三
十二年巡行天下有書史十人記其所行之地

孔子六藝傳

史記封禪書孔子論述六藝傳略言封泰山禪梁父
者七十餘王矣其俎豆之禮不竟蓋難言之大史
公論六家曰儒家以六藝爲法六藝經傳以千萬數
夏小正傳

春秋正義大戴禮夏小正傳曰繫遊胡

春秋瑞應傳

白虎通三正篇春秋瑞應傳曰敬受瑞應而王改正朔易服色

漢高祖孝文傳

見御製

漢保傅傳 青史氏記 學禮

昭紀始元五年六月詔曰通保傅傳注文穎曰賈誼

作在禮大戴記 大戴禮卷第三 保傅第四十八 殷周

有道之戶秦無道之暴其故可知也太子生舉以禮

為赤子時教固以行矣周成王幼在襁褓之中召

公爲太保周公爲太傅太公爲太師此三公之職也
爲置三少皆上大夫也曰少保少傅少師故孩提三
公三少固明孝仁禮義以導習之逐夫邪人不使見惡
行於是比選天下端士孝悌閑博有道術者以輔翼
之使之與太子居處出入及太子少長則入于小學

見賈誼傳

學禮曰

云云

太子旣冠成人免於保傅之嚴則

有司過之史有虧膳之宰有進善之疹有誹謗之木
有敢諫之鼓瞽史誦詩工誦正諫大夫進諫士傳民
語習與智長化與心成是殷周所以長有道也三代
之禮

云云

食以禮徹以樂失度則史書之工誦之三

公進而讀之宰夫減其膳是天子不得爲非也明堂之位因道者導天子以道常立於前是周公也充者充天子之志常立於左是太公也弱者拂天子之過常立於右是召公也承者承天子之遺忘常立於後是史佚也注道或謂之疑充或謂之輔故成王中立而聽朝則因聖維之是以慮無失計舉無過事及秦不然云云夫

存亡之反治亂之機其要在是矣天下之命係於茲

乎天子之善在於早諭教與選左右云云此時務也

新書保天子不論先聖王之德云云太師之任也云

云至太史之任也新書傳春秋之元詩之關雎禮之

冠昏易之乾《》皆慎始敬終云爾素成繁成謹爲娶
妻嫁女必擇孝悌世世有行義如是則子孫慈孝黨
爲不善三族輔之故曰素成胎教之道書之玉版藏
之金匱置之宗廟以爲後世戒青史氏之記曰注青古史子

者胎教王后腹之七月而就寔室太史持銅而御戶

左太宰持升

一作

而御戶右

新書云太卜持蓍龜而御堂下諸官皆以其職

御於門內

比及三月王后所求聲音非禮樂則太師繡瑟

而稱不習所求滋味者非正味則太宰倚升

新書云荷斗

而言曰不敢以待王太子太子生而泣太師吹銅曰

聲申其律太宰曰滋味上某

新書云太卜命云某

然後卜名

上無取於天下無取於陸中無取於名山通谷無拂

於鄉俗是故君子名難知而易避也成王生仁者養

之孝者繹之四聖傍之有知而選太公爲師周公爲

傅王左右不可不諫也故曰繁成注賈子胎古者年

八歲而出就外舍學小藝焉履小節焉一作虎閣保

之學也束髮而就大學學大藝焉履大節焉大學王官

禮之子居則習禮文行則鳴珮玉升車則聞和鸞之聲

是以非僻之心無自入也在衡爲鸞在軾爲和馬動

而鸞鳴鸞鳴而和應聲曰和和則敬此御之節也上

車以和鸞爲節下車以佩玉爲度上有雙衡下有雙

璜衡牙蚘珠以納其間琚瑀以雜之行以采茨趨以

肆夏步還中矩進則揖之退則揚之然後王鏘鳴也

古之爲路車也蓋員以象天二十八棹以象列星軫

方以象地三十輻以象月故仰則觀天文俯則察地

理前視則睹鸞和之聲側聽則觀四時之運此中車

教之道也自青史氏以下天子之新事容經篇國不務大務得民

心佐不務多務得賢臣引鮑叔史轡事得賢者安存失賢者

危亡明鏡所以察形往古所以知今凡二章三千五

百五十四字保傳言其常傳職戒其變胎教原其本而所以養於外者猶不敢忽此佩以明有度車以

明有則而容經又次之白虎通諫諍篇引禮保傳大夫進諫士

傳民語王失度則史書之工誦之

後漢祭祀志注

蔡邕引保傳五學之文

詩正義引大戴保傳篇鸞

和之說

柳宗元四門壁記保傳篇曰帝入東學以

貴仁南學以貴德西學以貴義北學以尊爵賈生述之以明太子之教

禮記文王世子篇世子之記曰

云云

注世子之禮亡

此存其記

漢離騷傳

淮南王安傳入朝獻所作內篇新出上愛秘之使爲

離騷傳且受詔日食時上

師古曰傳謂解說之若毛詩傳

又獻頌

德及長安都國頌

隋志淮南王章句其書今亡

朱買臣傳名見

說春秋言楚辭帝甚說之

王褒傳宣帝修武帝故

事講論六藝羣書名能爲楚辭九江被公名見誦讀

志淮南王賦八十二篇羣臣賦四十四篇 班固

曰孝武詔淮南王安敘離騷傳以爲國風好色而不

淫

云云斯論似過其實

王逸云武帝使淮南王安

作章句

其書今亡

晁氏楚辭自宋王九辯以下皆謂之

傳

詳見楚辭類

漢六經異傳

史記自序厥協六經異傳索隱云如子夏易傳毛公

詩傳韓嬰詩外傳伏生尚書大傳之流也

正義云如左丘明春

秋外傳國語

樊儵傳永平元年以讖記正五經異說

漢天下忠臣傳

志陰陽家于長天下忠臣九篇

平陰人近世注劉向

別錄云傳天下忠臣

唐志武誼自古忠臣傳二十

卷咸通中作

南史梁元帝撰忠臣傳三十卷

舊唐志

雜傳孝友十家忠節三家

漢列女傳

志劉向所序列女傳漢圖

劉向傳向睹俗奢淫而

趙衛之屬起微賤踰禮制向以為王教由內及外自

近者始采詩書所載賢妃貞婦興國顯家可法則及
孽嬖亂亡者次爲列女傳凡八篇以戒天子 隋志

列女傳十五卷

唐志同

劉向撰曹大家注又七卷趙母

注

唐志云趙母傳七卷

又八卷高氏撰頌一卷劉歆又一卷曹

植讚

一卷繆襲

以頌爲劉歆作與向列傳不合志有頌圖非歆也

曾鞏目

錄序隋書崇文總目皆稱十五篇曹大家注以頌義

考之蓋大家所注離爲十四與頌義凡十五篇益陳

嬰母及東漢以來梁鴻妻十六事非向書本然也嘉祐

中集賢校理蘇頌以頌義篇次復定其書爲八篇家

人之義歸於反身二南之業本於文王向博極羣書

而此傳稱詩芣苢柏舟大車之類與今序詩者異式

徵一篇又謂二人之作 馬融傳注列女傳 班昭

傳女誡七篇唐志一卷引女憲 晉王接傳撰烈女後傳

七十二人長子愆期緣父本意又集後傳 南史庾

仲容列女傳三卷 隋志項原列女後傳十卷唐志項宗

皇甫謐傳六卷綦母邃傳七卷杜預要錄三卷女記十卷唐志列女記

唐志女訓十七家二十四部三百八十三卷始於

劉向終於鳳樓新誡二十卷失姓名一家有劉熙傳

八卷孫夫人序讚一卷虞通之后妃記四卷長孫皇

后女則要錄十卷魏徵列女傳畧七卷武后列女傳

一百卷

唐舊志雜傳列女十六家

王方慶女記至楊氏女誠不著

錄五家八十三卷

尚官宋氏女論語十篇韋氏續曹大家女訓十二章

荀爽

女誠程曉女典見藝文類聚 曹植列女頌文選注

引之

漢列仙列士傳

隋志漢時阮倉作列仙圖劉向典校經籍始作列仙

列士列女之傳雜傳類列女傳十五卷列士傳二卷

唐志

列仙傳讚二卷

舊唐志二卷

又二卷孫綽

郭元祖讚

葛洪神仙傳十卷

唐志王方慶後傳十卷沈汾續神

仙傳三卷

史記正義七略云列仙傳二卷劉向撰

唐志神仙類卷同 崇
文目同凡七十二人

書目列仙傳三卷劉向撰

凡六十三人杜光庭仙傳拾遺四十卷凡四百二十

九事沈汾續仙傳三卷凡飛昇十六人隱化二十人

樂史總仙祕錄一百三十卷自天皇氏以來類聚登

仙名氏各紀事實為五十四門上之史嘗為王松年

仙苑編珠一卷自唐以來一百二十八人見素子洞

仙傳十卷凡二百九十二人南史梁顏協撰晉仙

傳五篇江祿撰列仙傳十卷後漢注水經注文

選注引列士傳又引列仙傳讚

漢武帝傳

唐志神仙三十五家漢武帝傳二卷郭憲漢武帝別

國洞冥記四卷

字子橫

隋志漢武內傳三卷

莊子釋文引之

書目漢武帝內傳二卷載西王母事後有淮南王

公孫卿稷丘君八事乃唐終南玄都道士遊岩所附

洞冥記四卷後漢光祿大夫郭憲載武帝神怪事

漢中興名臣列士傳 建武以來名臣傳

皇極傳

列傳班固作世祖本紀又撰功臣平林新市公孫述

等列傳載紀二十八篇 臨邑侯復好學永平中與

班固賈逵共述漢史復子騶駘及從兄平望侯毅並

有才學永寧中鄧太后名毅及駙駘入東觀與謁者

僕射劉珍著中興以下各臣烈士傳

東觀記一百二十六卷起光武

注記至靈帝題云長水校尉劉珍撰唐志駙駘集二卷珍集二卷

劉珍字秋孫南陽

人少好學永寧元年詔珍與駙駘作建武以來各臣

傳侯璜按漢記撰中興以後行事爲皇德傳三十

篇

文苑唐志

唐志正史類皇德紀三十卷

隋志同起

光武至中帝後漢五行志注引皇德傳

宋太祖時沮渠茂虔獻漢皇

德傳二十五卷

寇鄧高勳耿賈鳩烈經術如桓榮丁鴻范升賈逵純

吏如任延杜詩文章如班彪父子刑法如郭躬將帥

如班超諫誅如鍾離意申屠剛寬厚如侯霸

漢陳留耆舊傳

見地理

唐許南容策京兆耆舊光武創其篇陳留神仙阮蒼述其事梁鴻作逸人之記劉向修孝子之圖

孔子弟子先儒傳

隋志十卷 唐志孔子弟子傳五卷姚澹四科傳讚

四卷 宋元嘉十四年河西獻四科傳四卷 書目皇

朝李暉爲孔子弟子贊傳六十卷十萬餘言 國史志李畧

魏海濤先賢

三海卷三十一

三十三

隋志四卷魏明帝時撰唐志魏明帝五卷李氏海內先賢行

狀三卷

舊唐志雜傳先賢耆舊三十九家

晉高士傳

皇甫謐傳字士安以著述為務自號玄晏先生撰高士逸士烈女等傳並重於世高士傳序曰梁鴻頌逸民蘇順敘高士或錄屈節雜而不紀又近秦漢不及遠古謐采古今八代之士自堯至魏凡九十餘人雖執節若夷齊去就若兩龔皆不錄也隋志皇甫

謐高士傳六卷逸士傳一卷選其引之張顯逸民傳七卷

嵇康聖賢高士傳賚三卷

唐志傳八卷周續之傳賚三卷

孫綽

高士傳賚二卷周弘讓續高士傳七卷

唐志鍾

離儒逸人傳七卷

書目皇甫謐高士傳十卷起堯

世至魏咸熙中

魏志注嵇康撰錄上古以來聖賢

隱逸遁心遺名者集爲傳賚自混沌至于管寧凡百

一十有九人

嵇康所賚缺一自擬

宋周續之傳以嵇康高士

傳得出處之美因爲之注

南齊書宗測續皇甫謐

高士傳三卷

後漢注引劉昭幼童傳唐志十卷

晉正始名士傳 竹林名士傳

晉書

卷五十一

監生朱益鵬刊

袁宏傳

宏字彥伯著竹林名士傳三卷

唐志袁宏名士傳三卷

世說

袁宏以夏侯太初等三人爲正始名士阮嗣

宗等七人爲竹林名士裴叔則等八人爲中朝名士

隋志

正始名士傳三卷袁敬仲撰江左名士傳一

卷劉義慶撰竹林七賢論三卷戴逵撰

中興書目

同正始名士傳三卷其中卷竹林名士三逸上卷

荀粲下卷增阮脩

又選五君詠引竹林名士傳

年作五君詠以竹林七賢黜山王

晉江表傳

虞溥傳字允源注春秋經傳撰江表傳子勃過江上

江表傳於元帝詔藏秘書

吳志注引之

唐志虞溥江表

傳三卷雜史類

晉益部耆舊傳

陳壽傳字承祚撰古國志五十篇益部耆舊傳十篇

文選注蜀志注引之

隋志十四卷

唐志同

續傳二卷

蜀志云漢中陳壽傳

學多聞著釋問七篇益部耆舊傳及志

漢議郎園稱陳留耆舊傳二卷

魏蘇林廣舊傳一卷陳留先賢像贊一卷

論衡楊終子山爲郡上計吏見三府掾史爲哀牢傳

不能成歸郡作上孝明奇之名在蘭臺

後南蠻傳注引哀牢傳

晉名臣傳

宋百官志晉制著作佐郎始到職必撰名臣傳一人

魏志注引文士
傳先賢行狀

孝子傳

唐志蕭廣濟王韶之皆十五卷又讚三卷師覺授申

秀孝友皆八卷宗躬二十卷虞盤一卷徐廣三卷梁武

帝三十卷鄭緝之讚十卷

梁高隱傳

梁書阮孝緒著高隱傳上自炎黃終于天監末斟酌

分爲三品言行超絕名氏弗傳爲上篇始終不耗姓

名可錄爲中篇挂冠人世栖心塵表爲下篇

中篇載
一篇三

十七人後益劉敞劉訐二傳及孝緒

隋志 阮孝緒

高隱傳十卷

唐志同

袁淑真隱傳二卷

集無名高士

梁孝德忠臣傳 全德志

南史梁元帝撰孝德傳忠臣傳並三十卷

初學記載天性讚及

受託諫諍篇

元帝爲湘東王時常記錄忠臣義士及文章

之美者筆有三品忠孝全者用金管書之德行精粹者用銀管書之文章瞻逸者以班竹管書之 **隋志**

雜傳類

同南史唐志同

又全德志一卷懷舊傳二卷梁元帝

撰顯忠錄二十卷丹陽尹傳十卷

唐志 李襲譽忠

孝圖傳讚二十卷

見後

唐文館詞林文人傳

志雜傳記許敬宗一百卷文館詞林一千卷

唐古文紀年新傳

志張昌宗三十卷文藝傳昌宗以文名撰古文紀

年新傳數十篇舊詩史文苑傳張昌宗至脩文館
撰古今紀年新傳三十卷

唐續文士傳

志齊張騭文士傳五十卷文選注裴肅續文士傳十

卷開元中懷州司馬

書日文士傳五卷載六國以

來文人起楚半原終魏阮瑤崇文目十卷終宋謝靈

運已疑其不全今又歛其半舊志文林傳五十卷張

隱撰傳於元帝詔藏

唐養德傳

太子重俊傳右庶子本貞齊獻孝經義養德等傳

志卷七

唐孝德後傳

郎餘令傳孝敬在東官餘令以梁元帝有孝德傳更

撰後傳數十篇卷三十一太子嗟重志郎餘令孝子後

傳三十卷又有趙琬孝行志二十卷字稱筠爲常州

圖孝方傳示諸生見圖類

舊史餘令續梁元帝孝

德傳撰孝子後傳三十卷以獻

晉陶潛有天子諸侯卿大夫士庶人孝傳始於虞舜終於殷陶

唐宰輔傳 凌烟功臣傳

順宗實錄張薦在史館二十年著宰輔傳畧五服圖
記志雜史蔣乂唐宰輔錄七十卷又凌烟功臣秦
府十八學士史臣等傳四十卷雜傳記李邕狄仁傑
傳卷郭湜高氏外傳一卷李翰張巡姚閻傳二卷
本云張中陳翊郭公家傳八卷子儀殷亮顏氏家
傳一卷杲卿馬宇段公別傳二卷秀實李繁相國鄴
侯家傳十卷

隋志王氏江左世家傳三十卷王褒撰

唐五常傳

會要大和九年五月宰臣集賢大學士李宗閔准宣
與校理修撰等撰五常傳二十卷目錄一卷上之賜
宗閔等九人錦綵銀器

唐異域歸忠傳

志李德裕奉敕撰二卷

序云會昌二年四月甲申內附

會要會昌

二年七月上

卷同志

回紇傳武宗時回纥國亂烏介

立爲可汗王子嗚沒斯率三部及大酋二千騎詣振
武降武宗詔宰相李德裕采秦漢以來至唐興殊俗

忠效卓異者凡三十人爲異域歸忠傳寵賜之

德裕集有

宣示嗚沒斯等冠帶訖圖狀

中興書目以名節自著者凡三十

人始秦由余至尚可孤 祭文目傳記類二卷

唐黠戛斯朝貢圖傳

志呂述一卷

會目中秘書少監商州刺史

李德裕

集有點戛斯朝貢圖傳序乃詔韋宗卿呂述往賓館以展私親和合同異覲縷闕遺

唐高識傳

志雜傳記傳奕十卷

集魏晉以來與佛異者傳奕傳云高識稿

法琳辯正論八卷破邪論二卷太史令傅奕請廢佛

法琳譯之

唐閩川名士

志黃璞一卷

字紹山大厝中進士第

書目三卷

崇文目一卷唐崇

文館校書郎黃璞所著也著錄凡五十有三起神龍
汜大順歷歲二百上春官第者才四十有三晁氏
志三卷劾楚國先賢傳為之

唐志地理類林諸閩中記十卷

長樂人韓文公曰

閩人舉進士繇歐陽詹始史因之今攷其前乃
有薛令之林藻以登科記驗之信然

唐列女傳

唐書卷一百一十五 列女傳 第六

舊史雜傳列女傳一百卷。天后撰古今內範記一百卷。內範要略十卷。

唐春秋列國名臣傳 春秋列國諸臣傳

志孫敏九卷。書目春秋列國諸臣傳五十一卷。

萬諱皇朝王當撰類左氏所載列國諸臣事效司馬遷為之傳凡一百三十四人。系以贊又釋春秋二卷。

本朝名臣傳

張唐英五卷。唐英初改著佐授宋齊間故事凡領著作者皆撰名臣傳一本以試史才。因纂錄八聖至嘉祐名臣世家譜牒次第撰為五十列傳。書目兩朝

名臣傳三十卷

真宗仁宗實錄中后妃諸臣等列傳不知作者

咸平諸臣傳

一卷

起雷有終迄路振凡三十九人不知作者

熙寧諸臣傳四卷

起胡宿終陸誦

廉吏傳

書目十卷知黎州費樞撰載自古以來廉吏起魯季

孫行父終唐盧鈞 沈立著賢牧傳

唐志有良吏傳十卷鍾岢撰

百將傳

書目十卷皇朝張預撰取古名將臣編類之起周太公至五代劉詞凡百人每傳各以孫子兵法斷其行事

元祐建中列傳譜述

元祐黨籍建中上書邪等名在兩籍者三百九十和
州布衣龔端頤原之曾孫訪求關遺成列傳譜述一百卷
書於編者三百五人不可得而詳者四人而已淳熙
十四年三月十八日修國史洪邁請甄錄從之授端
頤上州文學

淳熙忠義傳

八年冬十月國子監簿喻良能進忠義傳起於戰國
王蠋終於五代孫晟上下一千一百年所取者一百
九十八人凡二十五卷乞頒之武學授之將帥上曰忠

臣義士不顧一身可以表厲風俗

開禧四將傳

三年正月十四日章穎上

劉岳李魏

計七冊詔付史

館

淳化四年樂史獻廣孝傳五十卷摠仙傳一百四十
一卷又撰諸仙傳二十五卷神仙宮殿窟宅記十卷
國史志孫冲遺士傳一卷

錄

錄記也。總也。周禮奠其錄。注謂定其錄籍。

周公職錄

見地理類

禹貢釋文。周公職錄云。黃帝受命。風后受圖。割地布九州。

越計然萬物錄

史記正義云萬物錄

漢貨殖傳。粵王句踐用范蠡計然。計然曰。知鬪則修備。時用則知物。二者形則萬貨之情可得見矣。故旱則資舟。水則資車。物之理也。脩之十年。國富。范蠡曰。計之策十用其五。而得意。注孟康曰。姓計名然。越臣。

也師古曰古今人表計然 在第四等一號計研礪
賓戲云研桑心計於無瑕計然者濮上人也博學無所
不通尤善計算嘗南游越范蠡卑身事之其書則有
萬物錄著五方所出皆述之事見皇覽及晉中經簿
又吳越春秋越絕書並作計倪實一人耳 唐志農

家范子計然十五卷范蠡問計然荅 文選注引范

子曰交子姓辛葵丘濮上人稱曰計然 馬總意林云
姓辛名文子

北史蕭大國云
向朱成術於辛文 王元長策文注李善引范子計

然曰五穀者萬民之命國之重寶也 風賦注引范

子計然曰秦衡出於隴西天水 班固傳注引范子

計然 太平御覽引范子計然曰地有五土之宜各有上下 初學記引日居畫而爲明

越經錄

王充論衡吳君高之越經錄周長生之洞歷劉子政楊子雲不能過也

漢兵錄

見兵法

漢三輔決錄

趙岐傳京兆長陵人著孟子章句三輔決錄傳於時
決錄序曰三輔本雍州地世之徒公卿吏二千石

及高貴者以陪諸陵五方雜會非一國之風非但繫於詩秦幽也其爲士好高尚義貴於名行其俗失則趨勢進權惟利是視余生於西土嘗以玄冬夢黃髮之士姓玄名明字子真與余寤言言必有中善惡之間無所依違命操筆者書之近從建武以來暨于斯今其人既亡行乃可書玉石朱紫由此定矣

晉摯

虞傳注解三輔決錄

後漢書蜀志魏志注引決錄注

隋志雜傳二

百十七部一千二百八十六卷始於決錄七卷趙岐

撰摯虞注

唐志雜傳記類十卷

晉摯虞傳撰會稽典錄二篇

唐志二卷十四卷

魏海內士品錄

唐志傳記類魏文帝三卷

舊志
二卷

晉百官儀服錄

隋志職官類五卷

晉拾遺錄

王嘉傳字子年著拾遺錄十卷記事多詭怪唐志

三卷又拾遺記十卷蕭綺錄

嘉所撰凡十九卷二百
二十篇綺合爲十卷

集賢注記天寶六載十二月敕索孝經鈞命決王
子年拾遺任子道論等四十餘部以進

晉錄

舊唐志編年三卷

後魏辨

舊唐志譜牒類辨宗錄二卷元暉業撰 唐志傳記

類元暉等祕錄二百七十卷 隋志雜家科錄七十

卷元暉撰 史通元魏濟陰王暉業著科錄二百七

十卷起自上古終於宋年依放通史

江左文章錄

南史丘靈鞠著江左文章錄序起大興訖元熙

唐諸王善惡錄

志儒家魏徵自古諸侯王善惡錄二卷 貞觀七年

太宗命徵錄自古帝王子弟成敗事名爲諸王善惡錄以賜諸王太宗覽而稱善謂諸王曰此宜置子座右用爲立身之本貞觀政要載其序曰軒轅分二十五字舜舉十六族爰歷周漢以逮陳隋功成名立咸資始封之君國喪身亡多因繼體之后

唐祥瑞錄

志雜傳記魏徵十卷書目采經典子史傳記小說所吉祥應事類

唐諫錄

見奏疏類

唐女則要錄

舊志儒家十卷文德皇后撰

唐春官要錄

志儒家類章懷太子春官要錄十卷故事類杜正倫
春坊要錄四卷

唐紫樞要錄

志儒家武后十卷

唐封禪錄

志儀注類孟利貞封禪錄十卷裴守真神岳封禪儀
注十卷

唐千秋金鑑錄

志儒家張九齡千秋金鑑錄五卷 張九齡傳初干

秋節王公並獻寶鑑九齡上事鑒十章號千秋金鑑

錄以伸諷諭 舊史開元十八年八月丁亥上御花

萼樓以千秋節百官賀賜四品以上金鏡珠囊縑綵

五品以下衣帛有差上賦八韻詩又製秋景詩張九

齡爲中書令時天長節百寮上壽多獻珍異九齡進

金鏡錄五卷言前古典廢之道上賞異之器日用於

玄宗誕日采詩大小雅二十篇獻之 會要開元十

七年八月五日 癸亥 丞相乾曜說等上表請以八月

五日爲千秋節羣臣獻壽酒王公戚里進金鏡綬帶
士庶以結絲承露囊更相問遺村社作壽酒宴樂名
賽白帝報田神制曰可

通監開元二十四年秋八

月壬子張九齡上千秋金鏡錄五卷上賜書褒美

玄宗御製賜鏡詩鑄得千秋鏡光生百鍊金又千秋
節宴詩月銜花綬鏡露綴綵絲囊 九齡進金鏡錄

表伏見千秋節日王公已下悉以金寶鏡進獻臣謂
明鏡所以鑑形有妍蚩則見之於外往事所以鑑心
有善惡則省之於內故鏡銘云以鏡自照見形容以
人自照見吉凶

云云

謹於生辰節上事鑑十章分爲

五卷

宋朝孝宗時陳良祐因會慶節撫唐太宗事百二十條議其當否目曰會慶萬年金鑑錄上之

唐明皇政錄 明皇雜錄

志雜史李康明皇政錄十卷鄭處誨明皇雜錄二卷又儒家馮中庸政錄十卷開元十九年上書國明皇雜錄二卷大中九年校書郎鄭處誨雜記玄宗承平之事雖微必錄已見於大史者不言

唐天寶軍防錄

鄭虔傳長於地理山川險易方隅物產兵戍衆寡無

不詳嘗爲天寶軍防錄言典事該諸儒服其善著書
志卷亡 祭文目地理類一卷

唐帝王紀錄

志雜史褚無量帝王紀錄三卷盧元福帝王編年錄
五十一卷

唐興元聖功錄 紀功述 功臣錄

見上

奉天錄

志雜史袁皓興元聖功錄三卷 李晟傳德宗狩蜀

倉部員外郎袁皓采李晟功烈爲興元聖功錄徧賜
諸將戒厲之 李紆德宗時爲兵部侍郎奉詔爲興

元紀功述

志崔光庭幸奉天錄一卷

又趙元一四卷

張讀建中西狩錄十卷

唐貞元郊祀錄

禮樂志太常禮院修撰王涇考次歷代郊廟沿革之制及工歌祝號而圖其壇屋陟降之序爲郊祀錄十卷 志儀注類王涇大唐郊祀錄十卷貞元九年上時爲太常禮院修撰

唐宰輔錄 鳳池錄 衣冠盛事錄

志雜史蔣又大唐宰輔錄七十卷又張薦宰輔傳略卷亡職官類馬宇鳳池錄五十卷雜傳記類蘇特唐

代衣冠盛事錄一卷一會要元和十三年十二月祕書少監史館修撰馬宇撰鳳池錄五十卷上之一書且鳳池錄五卷崇文目同正元二年馬宇撰起高祖武德元年訖正元二年紀錄宰臣拜免及一時事迹

唐遣使錄

志雜傳記陸贄一卷

唐禦戎新錄

見兵書

李渤傳元和初召爲左拾遺家東都朝廷

政有得失附章疏陳論又撰禦戎新錄二十卷表獻之舊史

唐西南備邊錄

志兵書類李德裕十三卷

中興書目劔南西川節

度使德裕撰大畧謂成都藩翰西南備禦不可少弛於是纂兵將糧械之數城鎮種落之名歲計經用之目並以大和六年爲斷及諸郡故實外夷情狀煩碎畢書又新作城鎮緣邊賊路皆以朱書別之總成小圖標之首卷今所存僅一卷餘皆缺

第四卷敘維州本未尤詳會

目中

詳見籌邊樓

唐華陽風俗錄

志地理類張周封一卷字子望西川節度使李德裕

從事

崇文
目同

唐元和錄

書目三卷馬永易撰起元和三年迄大中十三年政
迹總號元和錄蓋因所紀初年云

唐皇室維城錄

志譜牒類一卷

崇文
目同

唐經史要錄

見經解

舊史鄭澣爲侍講學士文宗命撰經史要

錄二十卷書成上喜其精博因以十九書語類上親

自發問澣應對無滯錫以金紫

志是光又十九部書

語類十卷 開元二十二年十一月上見類書

三十四十五

唐科第錄

見科舉

唐諭善錄

志雜家庾敬休七卷

唐四夷朝貢錄

見朝貢類 崇文日地里類十卷

唐皇王寶運錄

志雜史類楊岑卷亡憲宗時人 功臣錄三十卷韋昭

度楊涉續皇王寶運錄十卷

蜀韋莊箋自武帝至少帝 崇文目同

唐開成承詔錄

志雜史李石二卷

記大和中君臣問答之語

唐年小錄

志故事馬總八卷

唐柳氏家學要錄

志小說類二卷柳程

書目柳氏家學一卷凡三十

四章

晁氏志

一卷采其祖彥昭祖芳父晁家集所

記累朝典章因革時政得失著此錄又常侍言旨一卷記世父登所著六章

唐神州等第錄

撫言神州解送自開元天寶之際率以在上十人謂
之等第必求名實相副以滋教化之源小宗伯倚而
選之或至渾化不然十得其七八天府之盛神州之
雄選才以百數爲名等列以十人爲首起自開元天
寶之世大曆建中之年得之者搏躍雲衢階梯蘭省
今所傳者始于元和
■ 戊歲次敘名氏目曰神州等
第錄 王定保撰八十三門記唐朝進士應舉登科雜
事

唐餘錄

寶元二年十一月戊子朔刑部直集賢院王皞上六

十卷 詔獎之

建隆垂統錄

關耆孫進

太平興國錄

八年九月癸丑朔秘書監錢昱獻太平興國錄一卷
求換臺省官令學士院名試制詔三篇改秘書監判
尚書都省

雍熙唐孝悌錄

三年正月著作佐郎樂史獻唐孝悌錄十五卷

史本傳云

二十卷 續五卷

續卓異記三卷

兩朝志樂史孝悌贊

三卷 二百八十五

五卷 咸平六年九月甲午直史館樂史獻所習廣
孝新書孝悌錄上清文苑總仙記凡八百卷 唐志
有王方慶友悌錄十五卷

雍熙大政要錄

雍熙三年九月戊辰戶部郎中知陝州張去華獻大
政要錄三十篇上覽而嘉之璽書褒美賜帛五十段
因留不遣 去華獻元元論大指以養民務穡為急真

宗嘉實為十八軸

天聖七年七月己卯泰州秦

興簿胡訥上所著孝行錄二卷賢惠錄二卷民表錄

三卷 國史志

淳化皇猷錄

淳化元年十月庚午金州觀察使判和州錢儼獻皇猷錄一卷優詔荅之咸平初又獻光聖錄

淳化正辭錄

紹興正辭錄

又見群祀

景祐崇祀錄

淳化二年七月戊申祕書監李至以新撰正辭錄三卷上

崇文
目同

先是祠祀祝詞命著作局官屬臨事撰進

多不合典禮向來所用之文辭義淺近罔依古式至是乃撰成數百首上進永為定式焉

一本云凡百

九十三首內八十四首新製餘皆依舊詞取左氏祝

史正辭之義也真宗景德元年十二月癸卯命知制誥李宗諤及楊億陳彭年詳定祥符二年四月庚寅命兩制禮官取秘書省學士院祝版據正辭錄重定紹興二十七年九月二十五日丁亥詔禮官及祕省依景德故事取祭祀之式考訂潤色為紹興正辭錄依校書郎葉謙亨請也

景祐三年七月己卯詔以太子少傅孫奭所撰大宋宗祀錄二十卷送史館初奭領太常以國朝典禮倣唐王涿郊祀錄為此書未奏而卒子璣中丞瑜表上宗文月二十卷儀註類

凡

咸平聖政錄

暨年八月戊寅太僕少卿直祕閣錢惟演上二卷詔
付史館 寶錄咸平三年五月丙申以錢惟演爲大
僕少卿惟演獻咸平聖政錄二十事名試有是命

景德戴斗懷柔錄

景德初

元年

盟好之議翰林學士趙安仁多所參預

撰荅書又記太祖朝書問規式及接伴乃裁定觀見
儀制安仁又錄和好以來事宜及采古事可附于今
爲豫備者作戴斗懷柔錄以獻

本傳同

志王晦叔

戴斗奉使錄二卷

祥符法寶錄

祥符二年正月庚辰學士楊億等上景德傳燈錄三十卷

本信道元所獻詒億等刊定

六年八月丁亥御

製法寶錄序

兵部侍郎趙安仁等纂集新經并所降

制誥賜名太中祥符法寶錄凡二十三卷八年十月

甲辰上之會要二十一卷

景祐元年四月十五日參

政王隨刪傳燈錄爲五十卷二年十月辛未知樞密

院王隨上傳燈玉英集摹印放行三年十月辛酉季

遵勉上所纂天聖廣燈錄三十卷下傳法院四年四

月乙巳譯經使呂夷簡上所定景祐法寶新錄二十

一卷先是二年十二月夷簡及潤文宋綬請御製序
賜名是錄自祥符四年後至景祐三年元豐元年十
月二日參政元絳參定傳法院新編法寶錄

梁書卷文撰法寶聯璧三百卷 唐志釋氏類貞觀

內典錄十卷 書目唐內典錄十卷麟德初西明寺

僧智昇撰載歷代佛書傳譯篇目本末傳燈錄三十

卷僧道原纂景德中詔翰林學士楊億等刊定自天

竺七佛至達磨西來傳至法眼凡五十二世一千七

百人語錄續燈錄三十卷惟白撰分五門法苑珠林

一百卷唐僧道世撰 晁迥法藏碎金錄十卷

祥符殊祥錄 夫源錄 見先天紀

錢易傳東封泰山獻殊祥錄

王質監舒州靈仙觀採古今練形攝生之術撰寶
總錄百卷

天禧冥南錄

中興書目二卷天禧元年監虔州商稅辛怡顯撰淳
化五年以西蜀順賊與南蠻結連詔募命官士庶通
邊土者往黎嶠界招撫時怡顯自薦請行至道元年
訖事而歸是書備載始末云

略振祥符初使昇丹撰乘輅錄以獻

本朝名臣錄

書目本朝名臣錄入卷不知作者編類建隆至乾
三朝諸臣列傳叛臣蠻夷附焉以實錄國史校之間
有不同本傳勲德傳一卷不知作者編類太祖至仁
宗諸臣有勲德者起范質終孫沔凡五十六人名賢
遺範錄四卷王早遺事錄四卷子素撰王曾言行錄三
卷葉清臣撰韓琦別錄三卷王巖叟撰張詠語錄四卷
李昉撰後人類爲一集又王曾言行錄一卷凡六十
七事王皞撰

皇朝政錄

十卷晏殊序曰皇帝仁宗閱三朝之方冊思爲要略
以便討論於是仰稽信謀博采宏綱掇英存實固不
森羅彼無逸圖屏典論刊石方茲鉅美慶曆四年議
祖宗聖政錄恐卽此率當考非可同年

宋朝會計錄

國史志地理類林特三卷丁謂景德六卷田況

麻六卷蔡襄治平六卷丁謂傳權三司使上會計

錄以景德四年民賦口之籍較咸平六年之數令

上史館請自今以咸平籍爲額歲較其數以開詔罷

盡知其出入乃約景德會計錄以今財賦所入多於景德而歲之所出又多於所入因著皇祐會計錄上之與以悟上更立經制使百姓實而縣官有餘用也
晁氏志丁謂景德中纂三司戶口稅賦之入及兵食吏祿之費會計天下每歲出納贏虧之數李吉甫元和國計圖之類也

慶曆兵錄

五年樞密副使丁度搜次首末鉤考纖微掇其攻守戰者爲禁兵民兵兵錄五篇宋祁爲序曰宋興經武制衆凡軍有四一日禁兵殿前馬步三司隸焉卒之銳

而票者充之或挽強或蹋張或戈船突騎或投石擊刺故處則衛鎮出則更戍二曰廂兵諸州隸焉卒之力而悍者募之天下已定不甚持兵惟邊蠻夷者時時與禁兵參屯故事於服勞間亦戍更三日役兵羣有司隸焉人之遊而惰者入之若收置若漕輓若營軍若工技業壹事專故處而無更四曰民兵農之健而材者籍之視鄉縣大小而爲之數有部曲無營壁闕者輒補歲以閱焉此國家制軍之畧也今參預丁公進使樞省五年四月庚戌度爲樞副爲兵錄合羣曹所分擿諸侯所隱彙而聯之部分班如也離而件之區處戢如

也雖五符猥并邊瑣曲折歲列廢置月比耗發披文
指要坐帷而判蓋簡稽之決要蒐乘之總凡錄成乃
上於官軍篇之首公各述其所由近衛別錄示有尊
也餘軍弗載畧所緩也文約事明成一王法 兵錄凡
五卷 傳云又慶曆贍邊錄一卷編年總錄八卷
目慶曆軍錄一卷不知作者取三朝史兵志及國史
自天聖成書之後建立壁壘次序編爲此書

皇祐登瀛祕錄

皇祐中宋并據杜佑通典條目摘其要務編類首之
以選舉次禮樂制度兵農大畧遺逸者補之爲八卷

樂黃目撰學海搜奇錄四十卷

皇祐朱邸恩華錄

見宗戚類

至和太平盤維絲 又見宗戚類

右武大將軍睦州團練使宗諤進太平盤維絲纂歷代宗屬事蹟勒成上下二帙總六卷分十二門

熙寧蕃夷朝貢錄 詳見內附類

七年九月丁未史館修撰宋敏求等上總二十二卷
卽四年十月六日李評所請也

熙寧聖朝徽名錄

書目十卷熙寧中李德芻類載大祖迄神宗六朝羣臣表上尊號儀制詔冊始末

宋庠尊號錄一卷自漢至仁宗有序評贊

元豐華戎魯衛信錄

六年九月二十四日丙寅吏部侍郎蘇頌上二百二

十九卷事目五卷總二百冊

元豐四年八月奉詔編類北界國信文字詮次

類例皆初頌進對上曰朕欲集國朝以來至昨代州

定地界文案比類編次爲書非卿不可成頌奉詔置

局樞庭仍辟王汝翼李士京檢閱文字至是上之上

嘉歎親筆賜名詔別錄一本送密院

序云六年六月五日宸筆賜名

以敘事冠篇首 總序 二百卷卷有冗併則釐為上

中下 敘事書詔誓書歲幣國信國書奉使驛程地圖

名銜年表儀式賜予文馳詔錄書儀例物市易條例

泛使文移河東地界邊防契丹世系國俗官屬關口

道路蕃軍馬州縣終於蕃夷雜錄而經制方畧論議

奏疏附焉 紹聖五年續編兩朝魯衛信錄置局密

院

元豐土貢錄

中興書目二卷 元豐中翰林學士李清臣等撰先

是清臣詳定朝會儀注所承詔稽案圖志推原物產

凡輕重多寡條列上之二卷

元祐稽古錄

司馬光撰二十卷自三晉開國迄顯德末爲歷年圖

治平元年三月十四日上七卷宋興至治平四年爲百官表大事記

威烈丁丑而上伏戲書契以來總爲稽古錄

始伏羲訖治平

四年周共和庚申始爲編年元祐元年三月十四日光上言人

主不可不觀史善者可爲法不善者可以爲戒載籍

浩博宜提其綱目撮其精英欲以稽古錄送正字范

祖禹校對繕寫俟讀寶訓畢取此書進讀令侍讀隨

文解釋以資稽古之萬一從之尤又爲通歷八十卷

慶元初龔頤正上續稽古錄一卷起熙寧元年至
紹熙五年未幾有毀板之旨

宣和重修博古圖錄

又見圖類

三十卷

鼎 尊 罍 彝 舟 卣 瓶 壺

爵 罍 觚 斗 卮 觶 角 杯 敦 簠 簋

豆 鋪 甌 錠 鬲 鍑 盃 簋 斗

琥 罍 冰鑑 冰斗 匱 匱盤 洗 盆 銷

杆 鐘 磬 鐔 鐸 鉦 鏡 戚 弩機 微

奩 錢 硯滴 托轆 承轆 漢輿輅飾 周鑊

螭表座 漢表座旂鈴 刀筆杖頭 唐蹲龍 漢

車 六朝鳩車 漢龍提梁 鑑 鐵鑑 始於

於鑑

建炎三君行事紀要錄

元年六月癸亥李綱奏自古創業中興之如漢高
光唐太宗皆有英明之資寬誠之德仁厚而有容果
斷而不惑故能戡定禍難身致太平因請以所編三
君行事紀要錄以進上可之

續異七朝詔誥錄

四年五月二十七日丙子詔館閣官以累朝制誥類
編爲七朝詔誥錄從祕書少監劉大中之請也

書不
克成

紹興修宰輔錄

又見宰相類

治平四年九月己丑詔實錄院檢討陳繹具上祖宗朝兩府拜罷之因後撰拜罷錄以進 紹興九年三月六日丙戌詔宰輔拜罷錄詳畧失中本末差舛令史館重修史館言凡抵牾者宜悉改正從之書未成二十一年九月庚子祕書少監林機建言又命國史日曆所重修然亦不克成

陶潛集聖賢羣輔錄自燧人四佐至八儒二墨凡二卷 唐志有蔣乂宰輔錄七十卷

紹興編忠義錄

年六月十四日詔史館編修靖康建炎忠義錄
閏四月己酉吏部郎王揚英言乞撫事實暴人
自靡間存沒編爲一書故也書不克成

乾道同符正觀

三年三月起居舍人洪邁給事中王曠等上 序云
臣等三月七日蒙宣名至選德殿講論古今帝王之
道且曰唐三百年惟太宗爲可尚齋心敬慕每事取
法宜爲朕采正觀時事以今日觀之撫其所近似求
所未至臣等曰太宗之治固爲可慕然要者無出諫
行言聽神宗序通監謂太宗所謂禹吾無間然者謹

采正觀事迹列爲二十門事爲之說件別以上實錄三年三月癸亥曠遵同進呈同符正觀錄讀至聖孝篇馬周諫往九成宮事上曰是失思慮讀畢上曰朕有疏謬卿等當詳說容熟觀

淳熙四繫錄

三年權禮侍郎李燾進四繫錄記女真契丹起滅白
紹聖迄宣和靖康凡二十卷上曰朕可一日忘此虜
哉

皇朝名臣言行錄

五朝起趙普至蘇洵凡五十五人三朝起韓琦至陳

師道凡四十人朱熹撰

嘉定聖宋遵堯錄

八卷羅從彥撰采祖宗故實可垂法後世者纂錄辨釋嘉定七年南劔守臣劉允濟上之

南北攻守錄

五十八卷李壁

玉海卷第五十八

玉海卷第五十九

浚儀王應麟伯厚甫

藝文

詩歌

詩大序曰詩者志之所之也在心爲志發言爲詩
心之精微者發而爲言言之成文者約而爲詩朱子曰以虞書攷之詩之作本言志而已方其詩也未有歌也及其歌也未有樂也以聲依永以律和聲則樂乃爲詩而作非詩爲樂而作也

葛天氏八闋

呂氏春秋仲夏紀昔葛天氏之樂三人捲

一作摻牛一作持牛

尾投足以歌八闕一曰載民二曰玄鳥三曰遂草木

四曰奮五穀五曰敬天常六曰建帝功七曰依地德

八曰得方外之極注一本總萬物禽獸之極上林

賦聽葛天氏之歌注張揖曰其樂三人歌八曲

堯古詩

列子仲尼篇堯治天下五十年游於康衢聞兒童謠

曰立我蒸民莫匪爾極不識不知順帝之則堯問誰

教爲此言童兒曰我聞之大夫問大夫大夫曰古詩

也

舜南風詩

見琴類

禹康歌

隋食貨志

禹制九等而康歌興周人十一而頌聲作

周九德歌

禮

大司樂於宗廟之中奏之

左傳

文七年晉卻缺

曰九功之德皆可歌也謂之九歌六府三事謂之九

功

漢志

國子學歌九德

周文公詩

周語富辰曰周文公之詩曰兄弟鬩于牆外禦其侮

呂氏春秋周公旦乃作詩曰文王在上於昭于天

周祈招詩

左傳昭十二年楚右尹子革曰昔穆王欲肆其心祭

公謀父作祈招之詩

招樂名

曰祈招之愔音云云民

之力而無醉飽之心

家語作刑民

注祈父周司馬招其名

仲尼五章

史記樂書仲尼正樂以誘世作五章以刺時索隱曰

孔子詩曰優哉游哉聊以卒歲是五章之刺見家語

伯夷傳賂軼詩可異焉卽采薇之詩

漢二十八家歌詩

初詩

見樂章

宗廟

歌詩

志高祖歌詩二篇。泰一雜甘泉壽宮十四篇。宗廟歌詩五篇。漢興以來兵所誅滅十四篇。出行巡狩及游十篇。臨江王及節士四篇。李夫人及幸貴人三篇。詔賜中山未央材人四篇。吳楚汝南十五篇。燕代謳鴈門雲中隴西歌詩九篇。邯鄲河間四篇。齊鄭淮南各四篇。左馮翊京兆尹秦歌詩八篇。河東蒲反一篇。黃門倡車忠等十五篇。各有主名及雜歌詩十九篇。雒陽四篇。河南周歌詩謠及聲曲折一百六十四篇。諸神三篇。送迎靈頌三篇。周歌詩二篇。南郡五篇。右歌

詩二十八家三百一十四篇。自孝武立樂府采歌謠。於是有代趙之謳。秦楚之風。皆感於哀樂。緣事而發。亦可觀風俗知薄厚。樂志采詩夜誦。孔光奏夜誦。負五人不可罷。秦倡楚巴鈿。齊四會。蔡齊謳。皆鄭聲。可罷。

漢雅歌詩

志樂六家雅歌詩四篇

漢郊廟詩歌

禮樂志今漢郊廟詩歌未有祖宗之事。八音調均。又不協於鐘律。而內有掖庭材人。外有上林樂府。皆以

鄭聲施於朝廷

漢九歌

志郊祀歌天地八九歌畢奏斐然殊

漢韋孟諫詩

傳韋孟爲楚王傅作詩風諫後去位徙家于鄒又作一篇其諫詩曰。踰踰諂夫。喭喭黃髮。如何我王。曾不。是察。致冰匪霜。致隊匪嫚。瞻惟我王。昔靡不練。在鄒。詩曰。其夢如何。夢爭王室。其爭如何。夢王我弼。濟濟。鄒魯禮義唯恭。誦習弦歌于異他邦。

文選注有劉向劉歆七言東方朔六言 五言見於

周行露之章是也。

漢栢梁臺詩

見臺類

漢神爵齊祠詩歌

郊祀志神爵元年正月上始幸甘泉郊見泰時數有美祥修武帝故事盛車服敬齊祠之禮頗作歌詩其三月幸河東祠后土有神爵集改元王褒傳神爵五鳳之間天下殷富數有嘉應上頗作歌詩欲興協律之事丞相魏相奏知音善鼓雅琴者召見待詔

漢中和樂職宣布詩

王褒傳

益州刺史王褒欲宣風化於衆庶聞褒有俊才使作中和樂職宣布詩選好事者令依鹿鳴之聲習而歌之時汜鄉侯何武爲僮子選在歌中久之武等學長安歌太學下轉而上聞宣帝召見武等觀之皆賜帛曰此盛德之事吾何足以當之褒旣爲刺史作頌又爲其傳注師古曰解釋頌歌之義及作者之意中和言政治和平樂職言百官各得職宣布風化

普洽

何武傳宣帝時天下和平四夷賓服神爵五

鳳之間婁蒙瑞應王褒使辨士王褒頌漢德作中和樂職宣布詩三篇武年十四五與成都楊覆衆等習

歌之帝召見武等於宣室

文選褒作傳名曰四子

講德

四子謂微斯文學虛儀夫
子浮游先生陳丘子也

微斯文學問於虛儀

夫子曰

云云

攜手俱游歷于西州有二人焉乘輅而

歌倚輓而聽之敢問所歌何詩浮游先生陳丘子曰
所謂中和樂職宣布之詩益州刺史之所作也刺史
見太上聖明股肱竭力德澤洪茂黎庶和睦天人並
應累降瑞福故作三篇之詩以歌詠之也自刺史之
來也宣布詔書勞來不怠令百姓徧曉聖德於是皇
澤豐沛主恩滿溢百姓歡欣中和咸發是以作而歌
之也

昔泉頌日詠中和之歌讀太平之頌

漢德象女師篇

外戚傳班婕妤誦詩及窈窕德象女師之篇注皆古

箴戒之書也詩外別有此篇

陳女圖以鏡監
顧女史而問詩

漢歌詩四章

述鴻業十五章

古今注漢明帝爲太子樂人作歌詩四章以贊其德

一曰日重光二曰月重輪三曰星重暉四曰游重潤

楊終傳章帝東巡鳳皇黃龍並集終贊頌嘉瑞並

述祖宗鴻業十五章

漢白狼槃木詩

見朝貢類

漢詩

文苑傳王逸作漢詩百一十三篇

唐志遺集二卷

漢百官詩頌

見樂章類

魏百一詩

隋志應璩百一詩八卷應貞注

唐志入參總集類

李夔百一詩集二卷

隋志晉李彪撰二卷平寶百志詩九卷

文心彫

龍應璩百一辭譎義正亦魏之遺直也

晉陽秋璩

作五言詩百三十篇言時事頗有補益

文選載下

翰林論應休璉五言詩百數十篇以風規治道益有

詩人之旨焉珠百一詩序云時謂曹爽曰公今聞周公巍巍之稱安知百慮有一失乎百一之名蓋與於此

晉周詩 補亾詩 續詩

夏侯湛傳 作昆弟誥云云 初湛作周詩成以示潘岳

岳曰此文非徒溫雅乃別見孝悌之性岳因此遂作

家風詩 東晉傳 著補亾詩南陔白華華黍由庚崇丘由儀詩序曰晉與

司業時人韓修鄉飲之禮然所詠之詩或有義無辭音繁取節簡而不備於是存思在昔補著其文以綴

續詩三百七十篇十卷

晉郊廟歌詩

見樂章類

晉詩

索靖傳著五行三統正驗論又撰索子晉詩各二十一卷

晉元正宴會詩

見元會類

唐志總集晉元正宴會詩集四卷伏滔袁豹謝靈運集

傅咸七經詩

春秋正義傅咸爲七經詩王羲之寫

詩見初學記隋志咸集十七

卷梁三十卷

梁古今詩苑英華

隋志

十九卷梁昭明太子撰

唐志

二十卷僧惠淨

續集二十卷劉孝孫古今類聚詩苑三十卷

舊史四
十卷

郭瑜古今詩類聚七十九卷許凌詩林英選十一卷

總集類

宋朝太宗詔類文苑英華以楊徽之精於

風雅命編詩爲百八十卷

隋志 文林館詩府八卷

後齊

百國詩集三十九卷

崔

光撰

六代詩集抄

唐志

許凌徐陵各四卷

唐開元八詩

孫逖傳開元中以起居舍人入爲集賢修撰時海內
少事帝賜羣臣十日一燕宰臣蕭嵩會百官賦天成
元澤維南有山楊之華三月英英有蘭和風嘉木等
八篇繼雅頌體使逖序所以然

唐賜刺史詩

許景先傳開元十三年帝自擇刺史許景先等十一
人治行詔宰相諸王御史以上祖道洛濱盛具奏大
常樂帛舫水嬉命高力士賜詩帝親書且給筆紙令
自賦賚絹三千遣之許景先由吏部侍郎爲刺史
治虢大理卿源光裕鄭州兵部侍郎寇泚宋州禮部

侍郎鄭溫琦邠州大理少卿袁仁敬杭州鴻臚少卿
崔志廉襄州衛尉少卿李昇期邢州太僕少卿鄭放
定州國子司業蔣挺湖州左衛將軍裴觀滄州衛率
崔誠遂州凡十一人

唐賜三傑詩

宋璟傳開元十七年爲尚書右丞相張說爲左丞相
源乾曜爲太子太傅同日拜有詔太官供食太常奏
樂會百官尚書省東堂帝賦三傑詩自寫以賜 蘇
晉齊咨日于朔擇時于秋對命王庭受職公府

唐開元朝英集

志總集類朝英集三卷開元中張孝嵩出塞張九齡
韓休崔沔胡皓賀知章所撰送行歌詩

唐正聲詩集

舊史孫季良開元中爲集賢院直學士撰正聲詩集
三卷元思敬撰詩人秀句兩卷

唐杜甫詩

書目二十卷王洙序云甫集初六十卷定取千四百
五篇凡古詩三百九十九近體千有六分十八卷別
錄賦及雜著二十九篇爲二卷合二十卷又外集一

卷三十五首吳鑄爲序志杜甫集六十卷小集六

卷樊冕集

狄遵度嗜甫詩讚其集後

本傳贊唐興詩人承陳隋

風流浮靡相矜至宋之間沈佺期等研揣聲音浮切不差而號律詩競相襲沿逮開元間稍裁以雅正然恃華者質友好麗者壯違而人得一睩皆自名所長至甫渾涵汪洋千彙萬狀兼古今而有之元稹謂詩人以來未有如子美者甫又善陳時事律切精深至千言不少衰世號詩史韓愈於文章慎許可至歌詩獨推李杜文章在光燄萬丈長誠可信云

程子曰詩之盛莫如

唐唐人善論文莫如韓愈愈之所稱獨高李杜

大曆十才子盧綸吉中孚韓翃錢起司空曙苗發崔

峒耿滌夏侯審李端能詩齊名憲宗詔中書舍人張仲素訪集遺文文宗尤愛綸詩悉索家笥得五百篇

唐曲江亭應制詩

劉太真傳德宗貞元四年癸卯重陽節賜百僚宴于

曲江亭帝自賦詩以清字為韻仍勅宰相擇文人應

制賡和李泌等請羣臣皆和詩成帝自加考校以李

紱太真等四人為上于邵鮑防等四人為中張濛二

十三人為下與擇者四十一人會要作三十三人惟泌晟燧

三宰相無所差次按曲江亭為宴樂之地所謂江頭宮殿鎖千門是也

唐元和聖德詩

韓愈作凡千有二十四字

唐平淮夷雅

柳宗元作 皇武方城二篇

唐河嶽英靈集

志總集類啟璠二卷 書目集常建至閻防二十四

人詩總二百三十首 各序其詩格於首 序曰貞觀標格 漸高開元風骨始備

唐中興間氣集

志高仲武二卷 書目集至德大曆名人錢起張衆

甫等二十六人詩一百三十二首 序云五言詩一百四十七言附之 略

品叙其詩格且摘警句列於首 以至德興復風雅復振故名

唐詩 唐詩類選

志李戡唐詩三卷 **李戡傳**常惡元和有元白詩多

纖艷不逞而世競重之乃集詩人之類夫古者斷爲

唐詩以譏正其失 **志**顧陶唐詩類選二十卷 大詩校

書目凡一千二百一首分二十卷

詩評 詩品

志文史類顏竣詩例錄二卷鍾嶸詩評三卷 **書目**

詩評一卷自漢以來能詩者一百二十二人分三品

爲評 **舊唐史**李嗣真撰詩品一卷 王昌齡詩格

詩評序陳思爲建安之傑公幹仲宣爲輔陸機爲太

康之英安仁景陽爲輔謝客爲元嘉之雄顏延年爲
輔此皆五言之冠冕文辭之命世近彭城劉士章俊
賞之士疾其淆亂欲爲當世詩品口陳標榜其文未
遂巉感而作焉

唐百家詩選

書目二十卷以明皇德宗所製爲首

唐絕句詩

宋朝淳熙中洪邁編唐人絕句詩爲六帙後入翰林
孝宗召對偶及宮中書扇事邁因以所編進上命寘
復古殿書院邁自序謂初編得五千四百篇後採樂

府小說諸詩撮其可讀者合爲八十二卷

唐雅

宋朝仁宗時李及之進唐雅十篇

范師道進詠唐史詩五軸

仁宗時侍御史

太平興國升平詩

四年田錫獻升平詩三十章遷左拾遺直史館賜緋

魚萬適雍熙詩二百首梁鼎著學古詩五十篇

真宗祀汾陰錢易獻宋雅一篇

淳化賞花詩

三年三月丙午宴後苑上臨池釣魚詔羣臣賦詩特

召揚億賦詩御座之側因習射丁未以羣臣所賦賞
花詩五十二首付史館 宋綬祥符中從幸後苑賞
花羣臣皆賦詩命綬晏殊爲序

祥符諸王唱酬詩

五年三月庚寅製諸王唱酬詩序示輔臣

鄆王安王及德潤德

明詩集序共四首

以集付秘閣六月甲寅內出續求訪安王

詩筆示輔臣上作序冠篇仍付秘閣

徐王元偓獻

與允中唱和詩一卷製序賜之後取其歌詩文記纂
爲六卷墨跡三卷上親作二序命藏秘府

又見御詩類

祥符玉宸殿賦詩

見觀書類

天禧賀建儲闈禮成詩

見冊禮類

天聖清輝殿賦詩 藥珠殿賦詩

四年四月乙卯出後苑雙頭牡丹圖示輔臣令館閣

獻詩賦兩制自章得象以下十三人三館自康孝基

以下二十七人歌詩一百四十篇

表云永平神爵之頌孝明稱美者五

人正元重九之篇德宗考第於三等

八年三月十九日壬申觀唐明皇

山水字石于清輝殿命從臣作歌詩中書第優劣秘

閣校理韓義辭獨不成八月六日丁亥天章閣觀書

元真殿觀穀宴藥珠殿宰臣以下賦詩九年三月十七日賞花釣魚命從臣賦詩以新字爲韻閏十月戊辰宴太清樓從臣賦詩各一篇

皇雅

尹洙撰十篇天監西師耆武憲古大鹵帝籍庶上帝制皇治太平

皇朝玉堂詩

書目三十二卷集皇朝詩歌以神宗御製元豐宮詞等十五篇爲首

宋百家詩選

曾慥紹興中采名人詩起寇準終葉夢得併記其行事凡五十卷如歐蘇王黃之詩爲世所傳者皆不載又續選二十卷

紹興中興復古詩

十八年七月癸未敷文閣待制張嶠獻之八月二十七日詔嘉獎

紹興聖統詩 中興聖德詩

十八年黃友端進紹興聖統詩一篇二月十七日詔免解二十一年十一月二日程端厚獻聖德詩除直徽猷閣二十二年九月二十四日劉一正進中興聖

德詩除敷文待制十一月十一日錢周材進紹興聖
德詩除集英修撰

嘉定熙朝盛典詩

二卷趙師異撰嘉定九年取郊祀明堂大朝會孟饗
典禮爲一百四十二詩紀儀文之盛

次韻作詩於古無有高嚴韋郭來往杜少陵間不過

和意

自元自諸人
茲體稍出

五言詩之源生於國風廣於離

騷著於李蘇盛於曹劉 鄭都則七子均賦梁苑則

三英接曲唱酬之制由是生焉 詩爲樂心聲爲樂

體樂體在聲瞽師務調其器樂心在詩君子宜正其

文樂辭曰詩詩聲曰歌

文心雕龍王澤殄竭風人輟采春秋觀志調誦舊章

逮楚國諷怨則離騷爲刺秦皇滅典亦造僊詩史記始皇

使博士爲仙真人詩及行所游天下傳令樂人調弦之漢成帝品錄三百餘篇

朝章國采亦云周備而辭人遺翰莫見五言所以李

陵賦蘇武詩班婕妤怨歌行見疑於後代也案召南行露始

肇半章孺子滄浪亦有全曲則五言久矣又古詩佳

麗或稱枚叔文選注古詩蓋不知作者或云枚乘其孤竹一篇則傅毅

之詞古詩有冉冉生孤竹至於張衡怨篇清典可味見文選注太平御覽

仙詩緩歌雅有新聲暨建安初五言騰踴晉出羣才
稍入輕綺江左篇製溺乎玄風

朱文公曰古今之詩凡有二變蓋自書傳所記虞夏
以來下及漢魏自爲一等自晉宋間顏謝以後下及
唐初自爲一等自沈宋以後定著律詩下及今日又
爲一等然自唐初以前其爲詩者固有高下而法猶
未變至律詩出而後詩之與法始皆大變以至今日
益巧益密而無復古人之風矣 歐陽文忠公曰古
者登歌清廟太師掌之諸侯之國亦各有詩以道其
風土性情至於投壺饗射必使工歌以達其意以爲

賓樂蓋詩者樂之苗裔與漢之蘇李魏之曹劉得其
正始宋齊而下得其浮淫流佚唐之時子昂李杜沈
宋王維之徒或得其淳古淡泊之聲或得其舒和高
暢之節而孟郊賈島之徒又得其悲愁鬱堙之氣
敖陶孫器之評詩曰魏武帝如幽燕老將氣韻沈雄
曹子建如三河少年風流自賞鮑明遠如饑鷹獨出
奇矯無前謝康樂如東海揚帆風日流麗陶彭澤如
絳雲在霄舒卷自如王右丞如秋水芙蓉倚風自笑
韋蘇州如園客獨繭暗合音徽孟浩然如洞庭始波
木葉微脫杜牧之如銅丸走坂駿馬注坡白樂天如

山東父老課農桑事事言言皆著實元微之如李龜
年詭天寶遺事貌悴而神不傷劉夢得如鏤冰雕瓊
流光自照李太白如劉安雞犬遺響白雲霞登其歸存
况無定契韓退之如囊沙背水惟韓信李長吉如武
帝食露盤無補多欲孟東野如埋泉斷劍卧壑寒松
張籍如優工行鄉飲醕獻秩如時有詼氣柳子厚如
高秋獨眺霽晚孤吹李義山如百寶流蘇千絲織網
綺密瓌妍要非適用本朝蘇東坡如屈注天潢倒連
滄海變眩百怪終歸雄潭歐公如四湖八埭止可范
之宗廟荆公如鄧艾繼兵入蜀要以險絕爲功山谷

如弘景祗詔入官折理談玄而松風之夢故在海壖
俞如關河放溜瞬息無聲秦少游如時女步春終傷
疲弱后山如九臯獨喚深林孤芳冲寂自妍不求識
真韓子蒼如梨園按樂排比得倫呂居仁如散聖安
禪自能奇逸其他作者未易殫陳獨唐杜工部如周
公制作後世莫能凝議韋仲至曰漱六藝
之芳潤以求真澹黃魯
直曰以俗為雅以故為新百戰百勝如孫吳之兵棘
端可以破鏃如甘蠅飛衛之射此詩人之奇也

文章流別論曰賦者敷陳之襍釋名曰敷布其義
謂之賦

漢詩賦五種 詩賦百六家

藝文志自屈原二十五篇至王褒十六篇凡賦二十
家三百六十二篇自陸賈三篇至朱宇三篇賦二十
一家二百七十四篇八揚雄八篇自孫卿十篇至路
恭八篇賦二十五家百三十六篇自客主賦十八篇
至隱書十八篇凡雜賦十二家二百三十三篇自高
祖歌詩二篇至南郡歌詩五篇凡歌詩二十八家三

百一十四篇凡詩賦百六家千三百一十八篇入揚
淮八篇登高能賦可以爲大夫春秋之後大儒孫卿
及楚臣屈原離讒憂國皆作賦以風咸有惻隱古詩
之義其後宋玉唐勒漢興枚乘司馬相如下及揚子
雲競爲侈麗閎衍之詞沒其風諭之義是以揚子悔
之自孝武立樂府而采歌謠於是有代趙之謳秦楚
之風皆感於哀樂亦可以觀風俗知薄厚云序詩賦
爲五種六義附庸兩都賦序武宣之世世世四言
文章云云孝成之世論而錄之奏御者千有餘篇

漢皇太子生賦

八言七言詩

魏晉

太子賦

枚皇德武帝春秋二十九乃得皇子羣臣喜故臯

東方朔作皇太子生賦元朔元年春及立皇子襟祝受詔

所爲皆不從故事臯皇子故也衛后立臯奏賦以成

終從行至甘泉雍河東東巡狩封泰山塞決河宣房

游觀三輔離宮館臨山澤弋獵射馭狗馬蹇鞫刻鏤

上有所感輒使賦之凡可讀者東方朔傳朔之文

辭有封泰山貢和氏璧及皇太子生襟屏風殿上栢

柱平樂觀賦獵八言七言上下譜約曰八言七言上下篇

三袁德虞侍太子作甘泉洞簫頌太子令後宮左右

誦讀之 志枚舉賦百二十篇 王褒賦十六篇 志唐

五卷 文選有洞蕭賦 藝文類聚有甘泉宮頌

魏下簡有賈逵太子賦 曹植有皇子生頌

漢司馬遷賦 相如賦

志司馬遷賦八篇 司馬相如賦二十九篇

漢揚雄賦

志十二篇 揚雄傳蜀有司馬相如作賦弘麗溫雅

經心壯之擬以為式作反離騷廣騷之序惜誦以下

至懷沙一卷名曰畔牢愁成帝時正日從上甘泉還

奏甘泉賦以風三月將祭后土還上河東賦以勸十

二月羽獵因校獵賦以風明年從至射熊館還上長
揚賦藉翰林爲主人子墨爲客卿以風 文選注引
揚雄蜀都賦太玄賦覈靈賦又引釋愁 北史司馬
膺之好讀太玄經又注雄蜀都賦

漢四賦

揚雄傳辭莫麗於相如作四賦甘泉河東校獵長揚

漢頌德賦

志雜賦有雜行出及頌德賦二十四篇雜四夷及兵
賦二十篇

漢論都賦

杜篤傳光武時以關中表裏山河先帝舊京不宜改

營雒邑上論都賦

唐志杜篤集五卷隋志一卷

王景傳杜陵杜

篤奏上論都欲令車駕遷還長安景以宮廟已立恐人情疑惑會有神雀諸瑞乃作金人論頌洛邑之美
夫人之符

漢兩都賦

班固傳時京師脩起宮室濬治城隍而關中耆老猶

望朝廷西顧固乃上兩都賦

西都盛稱洛邑制度之美

以折西賓淫侈之論

隋志班固集十七卷

東都賦有五篇

之詩明堂辟雍靈臺寶鼎白雉

漢二京賦

張衡傳天下太平日久王侯踰侈乃擬兩都作二京

賦因以諷諫十年乃成

隋志張衡集十一卷

隋志薛綜注張

衡二京賦二卷

吳薛綜述二京解一云薛綜音

衡又作南都賦

傅毅有洛都賦

唐李庾作西都東都賦

漢神爵賦

隋志

二卷傅毅撰

唐志毅集五卷隋志二卷

魏趙都許都洛都賦

劉劭傳作趙都賦明帝美之詔劭作許都洛都賦時

外興軍旅內營宮室劭作二賦皆諷諫焉

隋志劉劭集二卷

文選注引何正許都賦吳質魏都賦 水經注引

徐幹齊都賦

晉三都賦

左思傳思辭藻壯麗造齊都賦一年乃成

隋志二卷并音復

欲賦三都詣張載訪岷邛之事構思十年門庭藩溷皆著筆紙遇得一句卽便疏之自以所見不博求爲祕書郎賦成皇甫謐爲其序張載爲注魏都劉逵注吳蜀而序之衛瓘又作略解張載見而嘆曰班張之流也使讀之者盡而有餘久而益新於是豪貴之家

競相傳寫洛陽爲之紙貴

隋志左思集二卷梁有五卷

隋志五都

賦六卷張衡左思

孫綽絕重張衡左思之賦每云三都二京五經之鼓吹也

文選注引劉楨魯都賦曰蓋如飛鶴馬似遊魚

晉揚都賦

庾闡傳爲給事中吳國內史虞潭爲太伯立碑闡制其文又作揚都賦爲世所重曹毘亦著揚都賦亞於闡

隋志闡集九卷毗集十卷

世說庾闡揚都賦成庾亮云可三

二京四三都於是人人競寫都下爲之紙貴

晉天地賦

成公綏傳

爲天地賦張華重其文以爲絕倫

隋志成公按集

九卷梁
十卷

晉中興賦

王廙傳丞相導從弟爲荊州刺史元帝即位奏中興賦曰雖未足宣揚盛美亦詩人嗟嘆詠歌之義也隋志

廙集
十卷

晉南郊賦

郭璞傳詞賦爲中興之冠作南郊賦帝嘉之以爲著作佐郎水經注引璞著江賦辭甚偉隋志璞集十七卷

作佐郎

南郊賦

璞著江賦辭甚偉

隋志璞集十七卷

晉朝會賦

南齊樂志角抵像形雜伎漢世張衡西京賦是其始

也魏世則事

陳思王樂府宴樂篇晉世則見傅玄

元正篇朝會賦

禮志傅玄朝會賦云華燈若乎火

木熾百枝之煌煌

隋志玄集十五卷梁五十卷

唐述聖賦

惟皇誠德賦

大寶箴

玉牒真記

謝偃傳

太宗朝爲弘文館直學士帝召見欲偃作賦

先爲序一篇言天下又安功德茂盛意授偃使賦偃

緣帝旨名篇曰述聖帝悅賜帛數十初帝卽位張蘊

古上大寶箴諫帝以民畏而未懷其辭挺切擢大理

丞偃又獻惟皇誠德賦其序大畧言治忘亂安忘危

逸忘勞得忘失四者人主莫不然是以聖人處宮室則思前王所以亡朝萬國則思已之所以尊循府庫則思今之所以得視功臣則思輔佐之始見名將則思用力之初如此則人無易心天下何患不化哉且行之堯舜暮失之紂豈異人哉蓋規帝成功而自

處至難云又撰玉諫真紀以勸封禪

李百藥工詩而
懷善賦時稱李

詩謝賦
謝優集十卷

舊史惟皇誠德賦慮失者常得懷安

者必危是以戰戰慄慄日謹一日守約守儉去奢去逸惟賢是授惟民斯恤則四皇不足五六帝不足七若夫忠良是棄諂佞斯獎則夏桀可二殷辛易兩

太宗御製述聖賦序

見文苑英華

宋朝天聖四年閏五月宋綬錄進惟皇誠德賦

唐贊道賦

李百藥傳

貞觀四年

政要云五年

授太子右庶子太子戲

嫖無度乃作贊道賦以諷他日帝曰朕見卿賦述古
儲二事勸勵甚詳賜綵三百段馬一匹 賦畧曰惟
忠與敬曰孝與仁則可以下光四海上燭三辰禮賢
於秋實歸道於春卿異洞簫之虞侍殊飛蓋之緣情
見貞觀政要

唐清暑賦

崔仁師傳 太宗幸翠微宮上清暑賦以諷帝稱善賜帛五十段

唐太一樞會賦

志五行類李淳風太一樞會賦一卷玄宗注

唐南郊賦

徐彥伯傳

會郊祭上南郊賦辭致典縟

見文苑英華

唐三大禮賦

玄宗天寶十三載杜甫進朝獻大清宮朝享太廟有事于南郊三大禮賦投延恩匭

舊史天寶末獻三大禮賦玄宗奇之召試文章

唐含元殿賦

李華傳著含元殿賦萬餘言蕭穎士曰景福之上靈光之下

唐大明賦

見箴類

唐海潮賦

志盧肇一卷

魯史分門屬類賦

見春秋類

楊鈞三卷以左氏事類分十門各爲律賦一篇乾德四年奏御詔褒之

乾德五鳳樓賦

乾德中梁周翰獻擬制二十篇擢爲右拾遺會修大
內上五鳳樓賦

端拱事類賦

端拱中祕閣校理吳淑撰百篇以獻詔令注釋淳化
四年成三十卷九月庚寅朔以爲水部郎咸平中淑
以浚郊上都累聖丕業作論都賦以獻

淳化東西京賦

淳化三年三月賜楊億及第億年十二讀書祕閣因
擬文選兩京賦作東西京賦以進太宗嘉之詔學士

院試舒州進甘露頌帝益賞其才咸平四年二月五日錢惟演獻東京賦 吳淑作論都賦
淳化三年春和蒙獻觀燈賦詔付史館

咸平宋都賦

咸平四年八月乙未直史館劉蒙叟上章獻宋都賦述皇宋由茲地建號宜升宋州爲都立祖宗廟上嘉之命史館檢故事以聞 王仲勇作南都賦

咸平春秋字源賦

楊文舉注尹玉羽春秋字源賦咸平四年正月乙酉知河南府李至上之以賦送祕閣 徐鍇賦苑二百

卷

祥符皇子冠禮賦

祥符八年十二月戊子著作佐郎晏殊上皇子冠禮賦詔獎之

元豐汴都賦

元豐七年三月壬戌以太學生周邦彥爲太學正邦彥獻汴都賦故擢之

紹興三都賦

紹興十三年三月二十八日王鈇上親饗太廟賦除直徽猷閣十五年十一月癸亥高袞獻二都賦與

十七年十二月十三日施謬進中興頌一篇紹興雅
十篇行都賦一首免解

淳熙明堂賦 頌堯賦

見後

河圖天地二運賦

崇文目卜筮類一卷論天地二運蓋三命書也不著
撰人

歷代紀元賦

書目

一卷皇朝楊備撰次漢至五代正統年號爲賦

一首又別爲宋頌四章

梁五帝歷代賦

見御製

後周庖載次歷代有國廢興治亂之迹爲運源賦
甚詳

趙隣幾作禹別九州賦萬餘言 范諷獻東封賦

鞠常著四時成歲賦萬餘言 錢熙作四夷來王賦
以獻凡萬餘言太宗嘉歎以爲直史館

文心彫龍曰賦者受命於詩人而拓宇於楚辭也於

是荀况禮智

漢志荀卿賦十篇今其存者成相侘詩并賦篇而十賦篇曰禮曰知曰靈曰箴

日宋玉風鈞

見文選古文苑爰錫名號秦世頗有雜賦漢志秦時

雜賦九篇漢初辭人陸賈扣其端志二賈誼振其緒七枚

馬同其風

枚乘九篇相如二十九篇

王揚騁其勢

王褒十六篇揚雄十二篇

觀

夫荀結隱語宋發巧談枚乘菟園

見古文藝文類聚

相如上

林賈誼鵬鳥子淵洞簫孟堅兩都張衡二京子雲甘

泉延壽靈光此十家並辭賦之英傑也仲宣

王靡密

偉長

徐幹

博通太冲

左思

安仁

潘岳

策勲於鴻規士衡

陸

子

安

戚公

底績於流制景純

郭璞

綺巧彥伯

袁宏

梗槩亦魏

晉之賦首也原夫登高之旨蓋觀物興情情以物興

故義必明雅物以情觀故詞必巧麗文雖新而有質

色雖糅而有儀此立賦之大體也

流別論曰古詩

之賦以情義爲主以事類爲佐今之賦以事形爲本

以義正爲助情義爲才則言省而文有例事形爲本
則言富而辭無常文之煩省辭之險易蓋由於此
盛覽問司馬相如以作賦相如曰合綦組以成文列
錦繡而爲質一經一緯一宮一商此賦之迹也賦家
之心苞括宇宙摠覽人物斯乃得之於內不可得而
傳

箴

胡廣曰箴諫之典所由尚矣聖君求之於下忠臣
納之於上劉勰曰箴者所以攻疾防患喻鍼石也

夏箴

周書文傳篇

見御製類

胡廣百官箴序曰墨子著

書稱夏箴之辭

後魏李彪云傳著夏氏之箴詩錄

商家之頌王元長兼秀才文注引周書夏箴

商箴

呂氏春秋始覽第一名類篇商箴云天降災布祥並有其職以言禍福人或召之也文心雕龍夏商二箴餘句頗存

盤庚無伏小人之攸箴

周庭燎箴

詩庭燎美宣王也。因以箴之。邠特牲注：庭燎之差。天子百公，蓋五十。侯伯子男皆三十。

周師箴 周箴

周語 召公曰：天子聽政，使公卿至於列士，獻詩、瞽、獻

典、史、獻書、師、箴、賡、賦、矇、誦、百工諫，庶人傳語，近臣書

規，親戚補察，瞽史教誨，耆艾修之，而後王斟酌焉。

注師

小師也。箴刺王闕以得失。左氏傳：晉師曠曰：史爲書，瞽爲詩，工

誦，箴諫。大夫規，誨士傳言，庶人謗，商旅于市，百工獻

藝。**楚語**：衛武公箴儆於國，作懿戒以自儆。殷武

丁得傳說：升以爲公，使朝夕規誨。箴諫曰：必交修余

無金棄也

齊桓

晉文近臣諫遠臣謗輿人誦以自誥

也

呂氏

春秋

有始覽謹聽篇不知則問不能則學

周箴曰夫

自念

斯學德未暮學賢問三代之所以昌

也

後周蕭固

蕭太子箴曰惟王建國辨方正位必立太

子為皇之

貳是以易稱明兩禮云上嗣東序養德震

方圭器七

史書言右史書事東髮就學宵雅夙肄朝

夕百篇不

夜乃寐愛日惜力寸陰無弃視膳弄飯寢

門三至小

心翼翼大孝烝烝詢謀計慮問對疑丞安

樂必敬無

忘戰兢天道福謙人道惡盈漢嗣不絕乎

馳道魏世
借萬國以
陽雖卜生
敬之天維
職司

回環乎鄴城前史攸載後世揚名三善既
貞姬周長久實係元良嬴秦短祚亦由少
七百有德彌昌數世一萬無德亟亡敬之
顯思光副皇極永固洪基宮臣再拜敢告

周虞人箴 楚箴

左傳襄七年魏絳曰昔周辛甲之爲太史也武王大

命百官箴王缺其箴莫善於虞箴名以於虞人之

箴曰芒芒禹跡畫爲九州經啓九道民有寢廟獸有

名各有所攸處德用不愆在帝夷羿冒于原獸文其

國恤而思其鹿牡武不可重用不愆于夏家獸人司
原敢告僕夫疏云虞人掌獵故以獵爲箴 楚箴曰
民生在勤勤則不匱楚有箴尹之官 又心雕龍曰
魏絳諷君子后羿楚子訓民於在勤

衛武公在輿有旅賁之規居寢有贊御之箴

周大正箴

見刑制

漢百官箴

胡廣傳

又春秋正義

初楊雄倮虞箴作十二州箴二十五

官箴其九箴亡缺其後涿郡崔駰及子瑗

子玉

又臨

邑侯劉駒駭增補十六篇正義云爰子定世補其闕太傅胡廣復

繼作四篇文甚典美乃悉撰次首目為之解釋名百

官箴凡四十八篇春秋正義云皆放虞箴為之楊雄傳雄以為

箴莫善於虞箴作州箴注九州之箴也選注引益州箴古文苑所載止四十

一篇十二州箴冀充青徐楊荆豫

梁雍幽并交官箴楊雄十二光祿勳

循尉太僕廷尉大鴻臚宗正大司農

少府執金吾將作大匠城門校尉上林苑

令崔駰七大常太尉河南尹司空司徒大理

尚書崔寔一諫大夫崔子玉九尚書博士東觀

關都尉

河隄謁者

郡太守

北軍中候

侍中

司隸校尉

書目

二十四箴一卷揚雄撰州箴十

二衛尉等箴十二

文心雕龍

揚雄稽古始範虞箴

卿尹州牧二十五篇及崔胡補綴摠稱百官指事配位肇鑑可徵所謂追清風於前古攀辛甲於後代

藝文志

揚雄所序三十八篇箴二

唐志雄集五卷

文選注

引揚雄衛尉箴又引城門校尉箴國三老箴又侍中

箴曰光光常伯又引劉駒駘郡太守箴 太平御覽

引揚雄太官令箴太史令箴胡廣邊都尉箴又引胡

廣百官箴序

班固傳注引揚雄司空箴曰普彼坤

靈作天作合

光武紀注引崔瑗中壘校尉箴

梁天監六年

峻擬楊雄官箴奏之

漢箴

陳遵傳黃門

郎楊雄作酒箴以諷諫成帝其文為

酒客難法度

譬之於物曰子執瓶矣觀瓶之起居

井之眉自用

此不如鴟夷後崔駰傳著酒箴御覽

引明酒箴

後魏

人上酒訓高祖悅之常置左右

漢書箴

初學記後漢

欽尚書箴云云藝文類聚楊雄尚

書箴晉傳

吏部尚書箴云易貴好爵書謹官人

衡人司書

胡廣侍中箴云云

崔德正大理箴

晉張華大司農箴

漢中壘校尉箴 司空箴

光武紀注 崔瑗中壘校尉箴曰 堂堂黃帝 該為壘壁

班固傳注 引揚雄司空箴見上

漢外戚箴

崔琦傳 初舉孝廉為郎 梁冀聞其才 請與交 冀行多不軌 琦數引古今成敗以戒之 冀不能受 乃作外戚箴隋志琦卷一 其畧曰 履道者固 杖執者危

漢督軍御史箴

高彪傳第五永為督軍御史使督幽州百官大會祖
餞於長樂觀議即蔡邕等皆賦詩彪獨作箴畧曰古
之君子即戎忘身無曰已能務在求賢淮陰之勇廣
武是尊唐志彪集二卷

晉女史箴 唐彤史

張華傳懼后族之盛作女史箴以諷曰婦德尚柔含
章正吉樊姬感莊不食鮮禽衛女矯威耳忘和音志
厲義高二主易心元彪攀檻馬媛趨進夫豈無畏知
死不吝班女有辭割歡同輦夫豈無懷防微慮遠懼
不可以瀆寵不可以專專實生慢愛極則遷隋志華集十卷

裴頤亦有女史箴 皇甫規女師箴 傅幹皇后箴
隋志有女史箴圖一卷 詩貽我彤管之法 石氏星經有女史
一星 周禮女史八人掌王后之禮職以詔后理內
政統內官書內令 唐志尚儀局彤史二人正六品
有女史二人

晉保傅箴 太師箴

職官分紀 王廙之保傅箴曰保傅之賢明宗國用寧
嵇康傳作太師箴亦足以明帝王之道

晉丞相箴 尚書令箴

藝文類聚晉陸機丞相箴曰導民在簡爲政以仁
文選注摯虞尚書令箴曰補我袞闕闡我王猷

晉乘輿箴

潘尼傳爲著作郎爲乘輿箴以爲王者膺受命之期
摠萬機而撫四海簡羣才而審所授孜孜於得人汲
汲於聞過不敢斥至尊故以乘輿名篇

晉侍臣箴

溫嶠傳遷太子中庶子深見寵遇太子與爲布衣之
交數陳規諷又獻侍臣箴畧云不以賢自盛不以
貴有榮思有虞之蒸蒸尊周文之翼翼屏彼佞諛納

此亮直

傳玄有太子少傅箴

後周蕭圓肅作少

傅箴

齊王攸爲太傅獻箴曰因親以道修身以敬

晉國子箴

王濟傳

文心雕龍曰潘勗符節要而失淺溫嶠侍

臣博而患繁王濟國子文多事寡潘尼乘輿義正體

蕪

初學記晉成公綏市長箴

晉選曹箴 學箴

李重傳爲選曹尙書著選曹箴置左右以明審才之

宜

隋志李重集二卷
傳玄有吏部尙書箴

通監 咸康四年六月王導

以李充爲丞相掾充好刑名之學深抑虛浮之士著
學箴曰名之攸彰道之攸廢

李充集二
十二卷

晉逸士箴

江道傳著阮藉序贊逸士箴

見藝文類聚

又庾凱

幽人箴

御史箴

初學記崔篆御史箴曰簡上霜凝筆端風起 傅咸

御史中丞箴執憲之綱秉國之憲

梁武帝凡百箴

見藝文類聚

隋匠人箴

刺史箴

杜正藏舉秀才蘇威監試擬匠人箴弓銘 何妥爲
龍州刺史爲刺史箴勒于州門外

唐大寶箴

謝偃傳太宗卽位直中書省張縕古上大寶箴諷帝
以民畏而未懷其辭挺切擢大理丞

舊史
有傳

通監武

德九年十二月前幽州記室直中書省張縕古上

貞觀要政張縕古以貞觀二年幽州總管記室兼直
中書省奏上 宋真宗時景德初陳彭年於誕節亦
獻大寶箴曰任賢勿貳堯所以昌改過不吝湯所以

王

唐承華箴

李義府傳晉王爲太子義府除舍人獻箴云佞諛有類邪巧多方其萌不絕其害必彰義府方諂事太子而文致若讜直者太子表之優詔賜帛

周王褒有皇太子箴

見東宮類

唐清白箴

許圜師傳高宗時圜師爲相州刺史以寬治人州刻石頌美部有受賕者不忍案但賜清白箴其人自愧吏爲廉士

唐諭善箴

韋承慶傳儀鳳中太子監國承慶爲司議郎進諭善箴

唐獄官箴

裴諝傳德宗卽位諝惡法吏舞文獻獄官箴 文粹
張說有獄箴

唐君臣箴

杜希全傳德宗時爲朔方節度奉天之符引兵赴難
賊平遷靈鹽夏豐節度使將卽屯獻體要八章帝嘉
納之賜君臣箴一篇 會要貞元九年十二月賜君
臣箴大畧曰在昔稷契實正舜禹逮茲魏徵佑我文

祖肆子寡昧獲纘丕緒臣哉鄰哉爾翼爾輔高秋始
肅我武維揚輟屯禁衛殿於大邦戀闕方甚嘉言乃
昌總彼千慮備于八章宣父有言起予者商汝其夙
夜明保朕躬毋曰爾身在外爾諛不通善言之應千
里攸同導彼遐俗達于四聰華夷仰德時乃之風又
曰商有盤銘周有欵器或戒以辭或警以事

唐尚書二十四司箴

柳中郢傳著尚書二十四司箴韓愈見之大加咨賞
選注引摯虞尚書令箴曰補我袞闕闡我王猷

學記云張華

初

唐龍樓箴

龍樓門名

見東宮類 歸登獻龍樓箴以諷皇太子 元和四年十月癸巳登以工侍克太子諸王侍讀

唐太醫箴

柳公綽傳唐憲宗喜武功數出游畋元和五年

舊紀十一

月景

柳公綽奏太醫箴以諷帝高其才遣使謂曰卿

言氣行無間隙不在大愛朕深者當置之坐隅踰月

十二月

自吏部郎中拜御史中丞

會要元和五年

十一月吏部郎中柳公綽獻太醫箴

崔寔大醫令箴動不肆勤靜不宴逸

唐丹扆六箴

李德裕傳敬宗荒淫數遊幸狎比羣小聽朝簡忽德裕爲浙西觀察上丹扆六箴表曰臣在先朝屬多陰沴嘗獻大明賦以諷今日盡節明主亦猶是也其一曰宵衣諷視朝希晚也二曰正服諷服御非法也三曰罷獻諷欽求怪珍也四曰納誨諷弃忠言也五曰辨邪諷任羣小也六曰防微諷僞遊輕出也詞皆明直婉切帝雖不能用猶敕學士韋處厚諄諄作詔謝其意

通監寶曆元年壬午德裕獻之

唐續虞人箴

白居易傳穆宗好畋游獻續虞人箴以諷曰唐受天命十二有聖兢兢業業成勤厥政鳥生深林獸在豐草春蒐冬狩取之以道鳥獸蟲魚各遂其生民野君朝亦克用寧在昔元祖厥訓孔彰馳騁田獵俾心發狂何以效之曰羿與康曾不是戒終然覆亡高祖方獵蘇長進言不滿十旬未足爲歡上心旣悟爲之輟畋降及宋璟亦諫玄宗溫顏聽納獻替從容璟趨以出鴻死握中噫逐獸于野走馬于路豈不快哉銜板可懼審其安危惟聖之慮

集云元和十五年

唐縣令箴

文苑英華李磻授李昌緯縣令制云宣帝命明法吏
刪刑書爲統類十篇盡出繁詞而獨著元結縣令箴
是於養人之官殷勤深切矣

古之奇有縣令箴並見

文粹

唐霸國箴

志別集李靖一卷

文粹梁肅有兵箴

雍熙守成箴

宋大初傳雍熙三年通判成都府會詔求直言作守
成箴以獻

端拱箴

端拱元年右拾遺直史館王禹偁初拜卽日獻端拱
箴一篇極陳規諷表曰夏后有盤盂之銘周
杖之誠敢證斯義用導愚衷又上禦戎十事

咸平鳳戾箴

國史張知白傳咸平中奏疏曰內和人心而後可以
寧夷狄此崇陽抑陰之義也真宗覽而異之召試舍
人院擢右正言獻鳳戾箴

景德續丹戾箴 景祐斧戾箴 紹興黼

戾箴

景德元年二月進士柳察續李德裕丹戾箴五篇以

獻庚申召試賜出身 察又擬白居易作策問七十
五篇目爲贊聖策材 景祐元年太子少傅晁迥獻

斧戾謹刑箴大順審刑頌 紹興八年十二月丁卯

王揚英爲太常博士揚英獻所著黼戾箴會要作誠十二

篇上召對而有是命書目揚英黼戾誠一卷 會要十一月二

十三日詔錄本進入當置坐右朝夕觀省又與召對

景德大寶箴

陳彭年傳景德初修起居注獻大寶箴

景祐金華五箴 聖治箴

景祐三年七月乙酉翰林侍讀學士馮元上金華五

示詔褒荅三司判官謝絳言事進聖治五箴曰紹
聞君臣內戒謹命敬變云

或云絳獻大寶箴

康定居安謹治箴

康定元年四月丁亥梁適爲右正言初適進居安謹
治箴擢開封推官不半歲踐諫職

康定四箴 太宗御書曲禮

祕閣書有太宗御書曲禮

字爲行書

首篇四句曰教

不可長欲不可縱志不可滿樂不可極康定二年七
月張方平在諫垣廣其義爲四箴以獻序曰王者奉
若天命以臨萬方謹乃廸德無時怠豫以義制事以

禮制心以輯寧邦家用咸和萬民于後佚王罔自抑
畏罔顧諷天之明命以若先民攸訓不廸率典德用
弗類故人君保邦制治之道謹厥身修思永茲惟觀
哉太宗形於翰墨先帝緘諸祕府將以嘉言善訓貽
爲孫謨豈唯筆精墨妙云爾 四箴 敷徵志樂

慶曆勸講箴

慶曆四年二月丙辰御迎陽門命曾公亮講詩王洙
講祖宗聖政錄丁度讀前漢書初元吳叛罷講筵趙
師民獻勸講箴 見文鑑 至是復命講 淳熙三年侍
講李燾以經筵少閒錄是箴以諷 端平三年正月

侍讀洪咨夔獻緝熙箴

皇祐宗室寶箴 六箴

見宗咸類

治平皇極箴

治平元年十二月庚子知制誥祖無擇獻皇極箴英宗善其言詔褒答之真宗初詔群臣言事右司諫梁顥作聽政箴以獻

淳熙元年李燾上快箴引太祖退朝悔乘快決事以諫上曰朕當揭之坐隅

紹興文思箴

萬曆十六年

二

三

監生姚士瞻

紹興二十六年秘書郎唐文若爲文思箴以獻其略曰於赫我皇兵既休矣休兵如何莫如治兵居安思危邦乃攸寧爰整其旅文王以興載舞干羽舜仁用成向戍弭兵春秋所懲蕭逸去兵既亂乃萌又曰兵非以殘以兵休兵凡千五百餘言當時韙之

選德殿六箴

孝宗習射及引對群臣裁決庶政之便座也崔端詩上箴六首政令聽察用射

淳熙十箴

十六年春光宗登極右諫議大夫謝諤獻十箴一曰

業難成而易敗宜兢兢保之二曰道甚簡易在尊所
聞三曰畏天之威四曰存心公正五曰賞罰不可妄
六曰獎廉戒貪七曰訪民疾苦八曰理財以義九曰
姦諛生亂甚於夷狄十曰自治乃可裨外 紹熙末
寧宗受禪司農少卿劉光祖入獻謹始五箴曰 陛
下新服厥命人皆望謹始於庶政臣獨願謹始於五
事讀至思箴上曰要當從原頭用功對曰微臣千百
言不如陛下原頭一語致力于此則貌言視聽俱治
矣

孫覺爲昌王記室王問終身之戒爲陳諸侯之孝作

富貴二箴

玉海卷第六十

浚儀王應麟伯厚甫

藝文

銘 碑

又見紀功

銘名也觀器必也正名審用貴乎慎德

詩正義曰因其器名

書以爲戒釋名曰述其功美使可稱名也

碑埤也上古封禪樹石埤岳

宗廟有碑樹之兩楹事止麗牲未勒勲績而庸器

漸闕故後代用碑以石代金同乎不朽

釋名曰臣子述君父

之功美以書其上後世因焉

湯盤銘 武王銘

見御製碑銘類

商銘

晉語郭偃曰商之衰也其銘有之曰嗛嗛之德不足就也不可矜而祇取憂也

周嘉量銘

楛矢銘

見弓矢

考工記棗氏爲量其銘曰時文思索允臻其極嘉量旣成以觀四國永啓厥後茲器維則䟽黼器之一銘文在模上刻之

周金版銘

金人銘

文選劉孝標論聖賢鏤金版而鐫盤盂注太公金匱

曰屈一人之下申萬人之上武王曰請著金版

周

書大聚解第三十九維武王勝殷撫國綏民乃觀於

殷政告周公旦曰嗚呼殷政總總若風草周公曰聞
之文考來遠賓廣近有道別陰陽之利相土地之宜

營邑制命之曰大聚乃令縣鄙商旅曰能來三室者

與之一室之祿

以一大夫
祿耕

闢闢修道五里有郊十里

有井二十里有舍遠旅來至闢人易資舍有委市有

五均早暮如一送行逆來振乏救窮以國爲邑以邑

爲鄉以鄉爲閭五戶爲伍以首爲長十夫爲什以年

爲長合閭立教以威爲長合旅同親以敬爲長鄉立

王制卷之十一
三
巫醫具百藥以備疾災蓄五味以備百草立勤人以
職孤立正長以順幼立君子以修禮樂立小人以教
用兵立鄉射以習容

云云

旦聞禹之禁春三月山林

不登斧以成草木之長夏三月川澤不入網罟以成
魚鼈之長且以并農力勢成男女之功則有生不失
其宜萬物不失其性人不失其事天不失其時以成
萬財稱賢使能而賢歸之關市平商賈歸之分地薄
歛農民歸之水性歸下民性歸利上若欲來天下民
先設其利而民自至譬之若冬日之陽夏日之陰不
召而民自來五德旣明民乃知常武王再拜曰允哉

乃召昆吾冶而銘之金版藏府而朔之

昆吾古之利
冶月旦朔省

之
[六韜]金板曰太公曰以賢者爲人下何人不與

文王曰善請著之金板
[家語]孔子觀周入太祖后

稷之廟廟堂右階之前有金人三緘其口而銘其背

曰古之慎言人也
晉潘岳有兩階銅人訓

周穆王春山銘

穆天子傳天子觀春山之上乃爲銘疏於玄圃之上

以貽後世天子升于奄山乃紀迹于奄山之石而樹

之槐眉曰西王母之山奄山卽崦嵫山

一云紀名迹
于弁山之石

曰西王母之山集仙錄曰
刻石紀迹于弁山之上
[山海經]穆王至崑崙之

丘眺鍾山之嶺勒石王母之山紀迹玄圃之上
劉勰曰穆王紀迹弇山之石亦碑之意

魯林鍾銘

宋正考父鼎銘

見鼎類

左傳襄十九年季武子以所得於齊之兵作林鍾而
銘魯功或武仲曰非禮也夫銘天子令德銘德不諸

侯言時計功大夫稱伐夫大伐小取其所以作彝
器銘其功烈以示子孫昭明德而懲無禮也注鑄鍾聲應林

鍾因以爲銘

詩傳作器能銘可以爲大夫

韓非子先

王之賦頌鍾鼎之銘皆番吾之跡華山之博也

夏

心雕龍夏鑄九鼎周勒楛矢令德之事也呂望銘昆

吾仲山鏤庸器計功之義也魏顓景鍾孔悝衛鼎稱
伐之類也 事始靈后氏象形篆以銘鍾鼎

晉景鍾銘

見樂器類

晉讒鼎銘 衛孔悝鼎銘

見鼎鼐類

庾信文維師尚父昆吾載寶鼎之銘王命尸臣枸邑
傳琯戈之賜 呂氏春秋云功名著乎盤孟銘篆著
乎壺鑑 魯視豐碑衛銘烝彝 衎戈考篆魯鼎著
銘 恂鼎悝銘之款羽陵汲冢之書

秦刻石名山文

漢藝文志春秋家秦奏事二十篇秦時大臣奏事及

刻石名山文也

始皇登名山凡六刻石史記載其詞

孫何碑解曰管

子稱無懷氏封泰山刻石記功出自寓言

書正義曰管子書古

之封太山者七十二家夷吾所識十二而已其登封者皆刻石紀號

宣王石鼓或曰獵

碣延陵墓表俗目爲夫子十字碑其事皆不經見始

皇刻石頌德亦無勒碑之說古之爲碑以識日景節

賓揖麗祭牲 **晉衛恒傳**秦李斯工篆諸山及銅山

銘皆斯書也

禹廟銘

後漢書國志巴郡江州注杜預曰巴國也有塗山華

陽國志曰帝禹之廟銘存焉雍丘縣注引曹植禹廟

讚金石錄有禹廟碑在龍門文中子宿禹廟觀

其碑首曰先君獻公所作也其文典而達

漢泗水亭碑

高帝紀十一年師古注引班固泗水亭碑

後漢書

志沛有泗水亭亭有高祖碑班固爲文

并十八侯銘

衣周襲唐末風寸木尺土無俟斯亭水經注碑延熹十年立任彥升曰配天之迹存乎泗水之上素王之道託於沂州之側

漢四皓碑

文章緣起有漢惠帝四皓碑

高士傳

高車山上有

四皓碑及祠漢惠帝所立

漢揚雄銘詩

古文苑

雄爲郎一歲作繡補靈節龍骨銘詩三章成

帝好之

方音靈節靈壽杖龍骨水車也

漢燕然山銘

見紀功類

紀嶢嶢勒之罘頌嶧山銘燕然螭蟠龜戴蟲篆鳥章

漢三鼎銘

水經注

雕陽漢太尉橋玄廟碑陰有右鼎文建寧三

年拜司空又有中鼎文建寧四年拜司徒又有左鼎

文光和元年拜太尉鼎名文曰述公之行咨度體則
文德銘于三鼎武功勒于征鉞書于碑陰以昭光懿
又有鉞文稱是用鏤石假象作茲征鉞軍鼓陳之于
東階亦以昭公之文武之勲焉石鼓仍存鉞今不知
所在

漢冠蓋里銘

水經注宜城縣有太山山下有廟漢末多士其中刺
史二千石卿長數十人朱軒華蓋同會於廟下荊州
刺史行部見之雅歎其盛號曰冠蓋里國史志襄陽
有冠蓋里

刻石銘之其辭曰峨峨南岳烈烈離明寔敷儁乂君

子以生惟此君子作漢之英德爲龍光聲化鶴鳴

宋伏曼容爲南海太守至石門作貪泉銘

漢李尤圍棋銘 馮衍車銘

藝文類聚 李尤圍棋銘 馮衍車銘 杖銘 刁陽銘 刁陰

銘 杯銘 太平御覽 李尤博銘 壺籌銘 文章流別

傳 李尤爲銘 自山河都邑至于刀筆竿契無不有銘

而文多穢病 李尤集序 尤好爲銘 讚門階戶席莫

不有述 初學記 馮衍席前右後右銘 文選注有

馮衍爵銘

文章流別曰後世器銘之佳者有崔瑗几銘 朱公叔

鼎銘王絜覲銘 周顯德六年王絜駘進御文金鏡銘

漢銘論

蔡邕銘論曰昔肅慎納貢銘之楛矢所謂天子令德也黃帝有巾几之法孔甲有槃杆之誠殷湯有其誓之勒冕鼎有丕顯之銘武王踐阼咨于太師作席几楹杖器械之銘十有八章周廟金人緘口書背銘之以慎言所以勉于令德也呂尚作周太師封于齊其功銘于昆吾之冶獲寶鼎于美陽仲甫有補袞闕式百辟之功周禮司勳凡有大功銘之太常所謂諸侯言時計功也宋正考父三命滋益恭而莫侮其國衛

孔悝之祖莊叔隨難漢陽左右獻公衛國賴之皆銘于鼎晉魏顥獲秦杜回于輔氏銘功于景鍾所謂大夫稱伐也近世以來咸銘于碑

文選漏刻銘注蔡邕

銘論曰武王作席几楹杖雜銘呂尙銘昆吾鼎黃帝有巾几之法孔甲有盤盂之戒德非此族不在銘典

王簡樞碑注引銘論曰碑在宗廟兩階之間近代

以來咸銘于碑

晁公武曰蔡邕所著文章百四篇

今錄止存九十篇而銘墓居其半或曰碑或曰銘或曰神誥或曰哀讚其實一也自云爲郭有道碑獨無

愧辭則其他可知也

郭林宗陳仲弓碑見文選

魏九寶銘

典論文帝爲三劔三刀三七首因姿定名以銘其拊

此卽九寶

其詳曰選茲良金命彼國工精而鍊之至

于百辟以爲三劔三刀三七首因姿定名以銘其拊
惜乎不遇薛燭青萍也其三劔一曰飛景長四尺二
寸二曰流采長四尺二寸三曰華鋌色似綵虹長四
尺二寸其三刀一曰靈寶長四尺二寸似靈龜二曰
含章采似丹靈長四尺四寸三曰素質長四尺三寸
刀身而劔鋏其三匕首一曰清剛長二尺三寸色似
堅冰二曰揚文長二尺一寸重一斤六兩曜似朝日

三曰龍鱗狀似龍文

文心雕龍魏文九寶器利辭

鈍 初學記文帝露陌刀銘

文選注典論有劔銘

魏寶器銘

見小學

晉衛恒傳魏氏寶器銘題皆草誕書

晉劔閣銘

張載傳父收蜀郡太守太康初至蜀省父道經劔閣

載以蜀人恃險好亂因著銘以作誡曰巖巖梁山積

石峩峩遠屬荆衡近綴岷嶓南通邛契北達褒斜狹

過彭碣高踰蒿華惟蜀之門作固作鎮是曰劔閣壁

立千仞窮地之險極路之峻世濁則逆道清斯順一

人荷戟萬夫趨起形勝之地非親勿居興實由德險亦難恃自古及今天命不易憑阻作昏尠不敗績公孫旣滅劉氏銜璧覆車之軌無或重跡勒銘山阿敢告梁益益州刺史張敏見而竒之乃表上其文武帝遣使鑄之於劔閣山

隋文帝毀劔閣之路立銘垂戒唐柳宗元作劔門銘

采石關銘

梁典天監七年正月戊戌詔曰今禮盛化光役務簡便便可營建象闕以表舊章於是選匠量功鑄石爲闕陸倕吳郡人仕至太常卿詔使爲漏刻石闕二銘

冠絕當世

二銘見文選
曾水有陋昆吾

刻漏銘叙曰寧可多謝
金字不傳銀書未勒

唐醴泉銘詩

見地瑞類

魏徵

唐砥柱銘 二門勒銘 鐵戟銘

太宗紀貞觀十一年九月丁亥河溢壞陝州河北縣

毀河陽中渾幸白司馬坂觀之賜瀕河遭水家粟帛十

二年二月癸亥如河北縣觀底柱書注底柱山名河

山見水中若柱
在西饒之界舊紀二月癸亥觀砥柱勒銘以紀

功德通典陝州硤石縣底柱山太宗命魏徵勒銘

云銘乃特進魏徵之辭有仰臨底柱北望龍
門茫茫禹迹浩浩長源之語命有司勒銘會

要十二年二月幸河北縣勒銘底柱

地理志陝州

峽石縣有底柱山山有三門河所經太宗勒銘

十四年命

上字薛

平陸縣本河北太守李齊物開三門通漕得古

月有篆文曰平陸天寶元年更名

齊物傳為陝州刺史開底柱通漕

重石下得古鐵戟若鐔然

陝縣茅津貞觀十一年

梁又使丘行恭開南渠

唐朝觀碑銘

崔融得武后幸嵩高見融銘啓毋碣歎美之及已封

即命銘朝觀碑梁昇卿上八分書東封朝觀碑為時絕

筆舊史負半千傳則天封中嶽半千撰封禪四壇

萬曆丁亥年

卷六十一

上

監生丁紹嘉

碑十二首以進

唐彝尊銘

崔渙傳亳州司功還調於是入判者千餘吏部侍郎
嚴挺之施特榻試彝尊銘曰子清廟器故以題相令
唐孔子廟碑

文選注

沂水南有孔子舊廟漢魏以來列七碑

無字

選注有
作之頌

會要

大中五年十一月祭酒

堂碑太宗建立睿宗書

金石錄

循吏傳賈端頤永徽中遷洛州發姦擿伏下無能欺
咸亨初弟端實爲洛州長史亦寬惠人心懷向始洛
人爲端頤刻碑大市旁及端實入爲右庶子人復爲
立碑其側故號棠棣碑

兩京記碑
建於東都

唐泰華二山碑

安金藏傳玄宗屬其事於史官詔鑿其名於泰華二
山碑以爲榮

通監開元二十年三月賜爵代國公

於東西嶽立碑以銘其功

唐韋丹刻功碑

韋丹傳憲宗時韋丹爲江西觀察使計口受俸罷八

州冗食者教民陶瓦置南北市爲營以舍軍築隄扞
江長十二里爲陂塘五百九十八所灌田萬二千頃
大和中裴誼上言爲丹立祠堂刻石紀功不報宣宗
讀元和實錄見丹政事卓然與宰相語元和治民孰
第一大中年一周墀對臣嘗守江西韋丹有大功德被
八州沒四十年老幼思之不忘乃詔觀察使紇于泉
上丹坊狀命刻功于碑乙亥詔史館修撰杜牧撰遺
愛碑擢其子宙爲御史元
和中韓愈爲丹銘曰爰及江西功德具全子
宙亦爲江西觀察使政簡易南方稱爲世官

韓愈傳

父仲卿爲武昌令有美政旣去縣人刻石頌

德

淳化公政銘

五年九月真宗以壽王尹京吳王元傑獻公政銘

元豐黃樓銘

陳師道撰

蔡邕銘論

見上

文心雕龍飛廉有石擗之錫靈公

有蒿里之謚

莊子博物志石擗銘云靈公奪之我里

趙靈勒跡於番禺

秦昭刻博於華山

趙主父令工施鈎梯而緣齋吾刻疎人迹其上而勒之曰主父嘗遊

於此秦昭王令工施鈎梯而上華山以松栢之心爲博勒之曰昭王嘗與天神博於此始皇勒

岳政暴而文澤若班固燕然之勒

見後漢書

張昶華陰之

碣

見古文苑文選注有張昶華山堂闕銘

序亦盛矣蔡邕銘思獨冠古

今橋公之鉞吐納典謨

橋玄黃鉞銘見藝文類聚

朱穆之鼎全成

碑文

文章流別云見上

敬通雜器

馮衍見上

準矍戒銘崔駰品物

讚多戒少李尤積篇義儉辭碎魏文九寶器利辭鈍

唯張載劔閣其才清采

事始無懷氏封泰山刻石紀功此碑之始 述異記

崆峒山中有堯碑禹碣皆籀文 檀弓注豐碑斷大

木爲之形如石碑柏楹形如大楹 祭義祭之日牽

牲入廟門麗于碑 聘禮賓自碑內聽命又曰東面

北上碑南 宮必有碑所以識日景知陰陽也 孫
何曰古所謂碑乃葬祭饗聘之際所植一大木耳其
字從石取其堅且久易之以石者後儒所增耳六經
所載無刻石之事又曰碑非文章之名也蓋後人假
以載其銘耳陸機曰碑披文而相質則本末無據焉
王儉曰石誌不出典禮宋元嘉中顏延之爲王球
石誌 歐陽公曰後漢以來始有冢墓碑文門生故
吏相與立碑頌德

頌

頌者容也所以美盛德而述形容也

朱文公曰頌容古字通

有焱氏頌

莊子天運篇北門成問於黃帝曰帝張咸池之樂於洞庭之野云云帝曰天機不張而五官皆備此之謂天樂無言而心說故有焱氏爲之頌曰聽之不聞其聲視之不見其形充滿天地苞裹六極注此乃無樂之樂樂之至也孔子歌焱氏之風

黃帝六德頌

類要黃帝妃嫫母訓宮人而有淑德奏六德之頌

黃帝龍袞頌

太平御覽夏侯元辨樂論曰昔伏羲氏因時興利教
民田魚天下歸之時則有網罟之歌神農繼之教民
食穀時則有豐年之詠黃帝備物始垂衣裳時則有
龍袞之頌
拾遺記軒轅始造書契服冕垂衣故有
袞龍之頌
文心雕龍帝嚳之世咸墨爲頌以歌九
招

虞樂頌

董仲舒傳虞氏不爲政久矣然而樂頌遺風猶有存
者是以孔子在齊而聞韶也

商名頌

魯語閔馬父曰正考父校商之名頌十二篇於周太師以那爲首注名頌頌之美者鄭司農云自考父至孔子又亡其七篇故餘五那烈祖玄鳥長發殷武五篇十六章百五十四句史記襄公脩行仁義其大夫正考父美之作商頌注裴駟引韓詩章句美襄公樂記注商宋詩

周成王冠頌

見冠禮類 家語冠頌

周文公頌

周語祭公謀父曰周文公之頌曰載戢干戈載櫜弓

矢

詩正義

時邁篇

外傳引思文時邁皆言周文公之

頌國語云周文公之爲頌曰思文后稷克配彼天此
篇周公所自歌與時邁同

春秋正義常棣之詩周

公所作周語曰周文公之詩

呂氏春秋周公旦乃

作詩曰文王在上於昭于天以繩文王之德

王褒

講德論周公詠文王之德而作清廟

史記樂書成

王作頌推已懲艾

周頌三十一篇多周公所定魯

頌四篇商頌五篇

漢高祖頌

高紀贊劉向頌高祖云漢帝本系出自唐帝降及于周在秦作劉涉魏而東遂爲豐公

志劉向賦二十五篇

漢高祖著錄勲臣頌

祭遵傳博士范升上疏高祖著錄勲臣頌其德美
晉陸機作漢高功臣頌自蕭何至侯公三十一人

漢孝景皇帝頌

志李思孝景皇帝頌十五篇

賦家

漢長安都國頌

淮南王安傳入朝獻頌德及長安都國頌每宴見談說得失及方技賦頌

漢聖主得賢臣頌 中和樂職宣布詩

王褒傳宣帝修武帝故事講論六藝羣書博盡奇異
之好神爵五鳳間天下殷富數有嘉應上頗作歌詩
欲興協律之事益州刺史王褒欲宣風化於衆庶聞
王褒有俊才請與相見使褒作中和樂職宣布詩選
好事者令依鹿鳴之詩習而歌之時汜鄉侯何武選
在歌中武等學長安歌太學下轉而上聞宣帝召見
武等觀之皆賜帛謂曰此盛德之事吾何以當之褒
既爲刺史作頌又作其傳益州刺史因奏褒有軼材
上乃徵褒既至詔褒爲聖主得賢臣頌

唐志上卷集五卷

漢甘泉洞簫頌

王褒傳太子喜褒所爲甘泉及洞簫頌令後宮貴人左右皆誦讀之宣帝詔褒等之太子宫虞侍太子朝夕讀誦奇文及所自造文選有洞簫賦類聚有甘泉宮頌

漢碧雞頌又見郊祀

文選劉孝標論注王褒碧雞頌曰持節使者王褒謹

拜南崖敬移金精神馬縹一作碧之雞云云歸來歸

來漢德無疆廣乎唐虞澤配三皇黃龍見兮白虎仁

歸來歸來可以爲倫歸來翔兮何事南荒

漢趙充國畫頌

趙充國傳以功德與霍光等列畫未央宮成帝時西
羌有警上思將帥之臣追美充國乃召黃門郎楊雄
卽充國圖畫而頌之曰明靈惟宣戎有先零先零猖
狂侵漢西疆漢命虎臣惟後將軍整我六師是討是
震旣臨其域諭以威德有守矜功謂之弗克請奮其
旅于罕之羌天子命我從之鮮陽營平守節婁奏封
章料敵制勝威謀靡亢遂克西戎還師於京鬼方賓
服罔有不庭昔周之宣有方有虎詩人歌功乃列于
雅在漢中興充國作武赳赳威威亦紹厥後

漢列女傳頌

志劉向所序六十七篇新序說苑世說列女傳頌圖也

漢光武受命中興頌

東平王蒼傳顯宗永平十五年春行幸東平帝以所作光武本紀示蒼顯宗作光武本紀蒼因上光武受命中興

頌帝甚善之以其文典雅特令校書郎賈逵爲之訓

詒東觀記上問校書郎此與誰等皆言類相如揚

雄史岑

文選東平齊聲於揚史

魏志昔唐叔歸禾東平獻頌

漢德頌

傳臨邑侯復

北海典王之子

永平中著漢德頌復子駒駮與

從兄平望侯毅並有才學毅元初元年上漢德論并

憲論十二篇

又曹朔作漢頌四篇

漢神爵頌

賈逵傳顯宗永平中

東觀記永平十四年

有神爵集宮殿官府

冠羽有五采色帝異之以問臨邑侯劉復復不能對

薦逵博學多識帝乃召逵問之對曰昔武王終文之

業鸞鷲在岐宣帝威懷夷狄神雀仍集此胡降之徵

也因敕蘭臺給筆札使作神雀頌拜爲郎

唐志逵集二卷

論衡永平中神雀羣集孝明詔上神雀頌百官上頌

文比瓦石唯班固賈逵傳毅楊終侯諷五頌金玉孝
明覽焉

西域都護班超獻大雀詔曹大家作頌 隋許善心
亦有神雀頌

漢顯宗頌

傳毅傳建初中肅宗博召文學之士以毅爲蘭臺令
史郎中與班固賈逵共典校書追美孝明皇帝功
德最盛而廟頌未立乃依清廟作顯宗頌十篇奏之
由是文雅顯於朝廷唐志毅集五卷 文選注引傳毅顯宗
浩浩蕩蕩川瀆旣濶且清文選注引杜篤衆瑞頌傳毅明

帝頌表 太平御覽引傅毅西征頌

晉袁宏見傅毅作顯宗頌乃作頌九章頌簡文之德
上於孝武帝

漢四巡頌 廣成頌

章帝記建初七年冬十月癸丑西巡狩幸長安丙辰
祠高廟遂有事於十一陵以中牢祠蕭何霍光岐山
得銅器形似酒樽獻之又獲白鹿帝曰上無明天子
下無賢方伯斯器曷爲來哉又幸長平御池陽宮每
有所到幸輒會郡縣吏人勞賜作樂十二月丁亥車
駕還宮八年十二月東巡狩幸陳留梁國淮陽潁元

和元年八月丁酉南巡狩詔所經道上無得設儲峙
賜鰥寡孤獨人不能自存者人五斛九月辛丑幸章
陵祠舊宅冬十月乙未進江陵詔廬江太守祠南岳
又詔長沙太守祠長沙定王春陵侯還幸宛十一月

乙丑車駕還宮二年二月丙辰東巡狩乙丑耕于定

陶使使者祠堯於成陽靈臺成陽縣有堯母慶都墓辛未幸泰

山柴告岱宗有黃鵠三十經祠壇進辛奉高壬申宗

祀五帝於汶上明堂癸酉告祀二祖四宗大會內外

羣臣丙子赦天下復博奉高羸無出今年田租戊寅

進幸濟南三月己丑進幸魯祠東海共王陵庚寅宗

祀孔子于闕里及七十二弟子賜褒成侯及諸孔男

女帛進奉祠陵四月乙卯還宮

帝東巡鳳皇皇黃龍并集揚終贊頌嘉瑞上

述祖宗洪紫十五章上之

三年正月丙申北巡狩辛丑帝耕于懷

二月戊辰進幸中山遣使祠北岳癸酉幸元氏祠光

武顯宗於縣舍正堂明日又祠顯宗於始生堂皆奏

樂三月丙子詔高邑令祠光武於即位壇復元氏七

年徭役辛卯還宮章和元年八月南巡狩幸梁沛彭

城壽春汝陰贊曰儒館獻歌

謂崔駰等太學時上四巡等頌戎亭虛侯

崔駰傳元和中肅宗始修古禮巡狩方岳駰上四

巡頌以稱漢德辭甚典美文多故不載帝嗟歎之謂

侍中竇憲曰。卿寧知崔駟乎。對曰。班固數為臣言之。然未見也。帝曰。公愛班固而忽崔駟。此葉公之好龍也。試請見之。
崔駟集有南北東西四巡頌。隋唐志駟集上

卷

駟東巡頌曰。伊漢中興。三葉矩坤。度以範物。規

乾則以陶鈞。重雍襲熙。代增其德。乘輿登大靈之威。輅駕太一之象車。升九龍之建掃霓之旌旒。

班固數入讀書禁中。每行巡狩。輒獻上賦頌。固有東

巡用巡頌見類聚

張衡東巡誥。惟二月初吉。帝將狩

于岱岳。展義省方。備法駕。屆靈宮。是日也。有雙鳳集于臺。壬辰。祀上帝于明堂。帝曰。上帝有靈。不替朕命。

誕敢不祇承
馬融傳永初四年校書東觀鄧太后

臨朝俗儒以爲文德可興武功宜廢遂寢蒐狩之禮

息戰陣之法故猾賊縱橫乘此無備融以爲文武之

道聖賢不墜五材之用無或可廢元初二年前上廣成

頌以諷諫述蒐狩之義

廣成苑在今汝州梁縣西

延光三年東巡

岱宗融上東巡頌帝奇其文

唐志融集五卷

漢頌 從臣嘉頌

論衡宣漢篇觀杜撫班固等所上漢頌頌功德符瑞

汪濊深廣滂沛無量踰唐虞入皇域
西都賦采游

童之歡謠第從臣之嘉頌注宣帝頗好神仙王褒張

子儁等並侍詔所幸官館輒爲歌頌第其高下以差賜帛

漢孝竹頌

秦中記

一云述異記

章帝三年子母荀生白虎殿前時謂

之孝竹羣臣獻孝竹頌

詩義曰南中生子母竹今慈竹是也

漢百官頌

見樂舞類

漢高士頌

梁鴻傳仰慕前世高士而爲四皓以來四十四人作頌因東出關過京師作五噫之歌

唐志鴻集二卷

文選注

引梁鴻安缶嚴平頌曰無營無欲澹爾淵清

崔琦有四皓頌

漢胡廣黃瓊圖畫頌

見圖繪名臣類

漢出師頌

文選史孝山出師頌西零不順東夷違逆乃命上將
授以雄戟威威上將是天所啓允文允文明詩悅禮
鼓無停響旗不蹙寨澤霑遐荒功銘鼎鉉注涼郃叛
羌搖蕩西州詔鄧騭將兵擊之車駕幸平樂觀餞送
騭西屯漢陽征西校尉任尚與羌戰大敗之遣中郎

王濟卷之十
三
將迎拜隲爲大將軍既至大會羣臣賜以束帛乘馬
流別集及集林載史學和熹鄧后頌并序

魏皇子生頌

初學記陳三曹植皇子生頌嘉月令辰篤生聖嗣慶
由一人方國作喜

魏宗廟詩頌

宋樂志魏王肅私造宗廟詩頌十二篇不被歌

晉太康頌

虞傳除聞喜令時武帝留心政道又吳冠新平天
下又安虞上太康頌以美晉德其辭曰云云邈矣聖

皇參乾兩離陶化以正取亂以奇洋洋四海率禮○
樂穆穆宮廟歌雍詠鏗光天之下莫匪帝略窮髮反
景承正受朔喬山惟嶽望帝之封猗歟聖帝胡不封

哉

唐志虞集十卷隋志九卷

張載元康頌

見文選注

左貴嬪名芬帝重芬詞藻每有方物異寶必詔爲賦
頌

晉釋奠頌

潘尼傳

元康三年閏月丙申太子入學釋奠太子舍

人潘尼上釋奠頌其辭曰元康元年冬十二月上以

皇太子富於春秋而人道之始莫先於孝悌初命講

孝經於崇正殿至三年春閏月將有事于上庠釋奠于先師禮也越二十四日景申侍祠者既齊與駕次于大學太傅在前少傅在後

云云隋唐志尼集十卷

晉袁宏三國名臣頌

袁宏傳爲三國名臣頌荀文若諸葛孔明等二十餘人

見文選

云序贊

魏

又作北征賦皆其文之高者

隋志宏集十五卷

梁儲德頌

梁書上黃侯蕭曄兼宗正卿簡文居監撫獻儲德頌

唐藉田三元頌

又見藉田元會類

岑文本傳

貞觀三年太宗既藉田又元日朝羣臣文

本爲秘書郎奏藉田三元頌二篇文致華贍

志文本集六十

卷頌見初學記

晉劉臻宴陳氏正旦獻椒花頌

唐釋奠頌

孔穎達傳

太宗幸太學釋菜

貞觀十四年二月

命孔穎達講

經上釋奠頌詔褒美

穎達集五卷

唐文皇帝頌

張文宗傳

永徽初獻文皇帝頌太宗

優制褒美賜絹

百匹

時為亳州刺史

王洛卷上
二十四
顏師古有聖德頌

李百藥有皇德頌

見初學記

唐孝德頌 狄仁傑頌

臨川公主上孝德頌高宗詔褒之 呂溫狄仁傑頌
曰取日虞淵洗光咸池潛授五龍夾之以飛世以爲
名言又作燧歷勳臣頌

唐洛出寶圖頌

崔融傳

融為文華妣其洛出寶圖頌尤工

融集六

志別集

崔融寶圖贊一卷王起注

舊唐史富嘉謨作雙龍泉頌千蠟谷頌

唐龍池頌

宗子璆傳

裴佑

初帝賜第隆慶坊坊南之地變為池

中宗嘗泛舟厭其祥帝卽位作龍池樂張九齡撰龍池頌刊石興慶宮西天寶元年五月宗子以爲不稱盛德更命璆爲頌建花萼樓北

會要五王子宅景

龍末有龍池涌出日浸廣望氣者言有天子氣中宗泛舟厭之明皇以爲興慶宮開元二年詔右拾遺蔡孚獻龍池篇公卿已下百三十篇付太常考其辭合音律者爲樂章錄姚元崇沈佺期等十首十六年置壇十八年十二月二十九日有龍見于池敕太常書緇草祭儀緇奏祭用二月牲用少牢樂用鼓鍾奏姑洗歌南呂二十三年五月一日宗子請於興慶宮龍

池建聖德頌以紀符命望令皇太子書張九齡為文

寧上憲題額從之舊紀開元二十三年五月戊寅宗子請奉月俸於興慶宮建龍池聖

頌德天寶三年五月五日重建褒信王璆撰太子書題

額五行志開元二十三年十二月乙巳龍池聖德

頌石自鳴集賢註記開元二十七年四月光錄卿

褒信郡王璆進龍池頌建立訖梁上有黃芝之瑞

唐封禪壇頌 朝覲壇頌並見封禪類

唐鶴鳴頌見麟德殿

詩注常春令雖渠也飛則鳴行則搖不能自舍爾雅作鳴

唐金鑾殿奏頌鳴左傳同

李白傳天寶初召見金鑿殿論事奏頌一篇

文苑英華卷六

宣唐鴻猷
榆上重之

唐慶鴻名頌

獨孤及撰唐興百三十有八載春正月請增明號二
月乙酉朝太清宮景戌享大廟丁亥朝群臣于蓬萊
前殿展禮奉策屢受大號穆穆闕宮敷時繹思天有
成命孝孫受之鋪衍下土報功神祇我瑞如山我福
孔夷誕受鴻名載揚緝熙風動雲行雨飛露垂泰乙
無面無為之師永錫多祐萬壽無期

唐中興頌

元粹元結作大唐中興頌曰天寶四年安祿山陷洛陽明年陷長安天子幸蜀太子即位於靈武明年皇帝移軍鳳翔其年復兩京於戲前代帝王有威德大業者必見於歌頌今若歌頌大業刻之金石非老於文學者其誰宜為頌曰意喜前朝孽臣姦竊為昏為奸邊將聘兵毒亂國經群生失寧大駕南巡百寮竄身奉藏稱臣天將昌唐繫睨我皇匹馬北方獨立一呼千麾萬旛戎卒前驅我師其東儲皇撫戎湯懷群凶復復指期曾不踰時有國無之事有至雖宗廟而度二重重離地闢天開獨除妖災瑞慶大來咸

興山高日昇萬福是膺能令大君聲容法法不在斯
文湘江東西中直浯溪石崖天齊可磨可鐫刊此頌
焉何千萬年

金石錄顏真卿正書大曆六年六月

楊 作鳳翔出師紀功頌

唐太階頌

文粹梁肅鄴侯李泌文集序至德初宣皇以元良受
禪公則獻太階頌昭纂堯之道

唐無疆頌

李華述列聖爲無疆頌高祖元太宗列高宗康中宗

興睿宗肅宗考今上昭

唐親政頌

呂溫皇帝親庶政頌天道福謙我則奉天人生在勤
我則率先求人之瘼思國之經年亦豐上御膳不馨
夜如何其皇寢未寧偃武修文大和氤氳海不揚波
天無纖氛鳥章之長椎髻之君會朝明庭其從如雲
唐新羅織錦頌

見內附類

唐驃國獻樂頌

開州刺史唐次

開寶聖功頌

太祖克澤潞下維揚湖湘得荆渚收劔南取嶺表及

平江左武功震耀開寶九年

丙子歲

正月

戊辰朔

受朝乾

元殿降王在列聲明大備知制誥扈蒙上聖功頌以

述其事赫矣昌運巍乎成功大荒夷夏高格旻穹始

肅禋祀蒼璧黃琮爰命將帥茲矢彤弓乃定湘楚乃

服巴邛乃平嶺表乃殄江東四隩旣宅八表攸同皇

明所被如日之融帝業之盛如嶽之崇六合之內其

樂邕邕萬方之外其來憧憧慕我慶澤熙我薰風闕

里諸彥康衢游童咸歌大化悉願東封耀德如是儲

休永隆臣蒙作頌播告寰中詔褒之

本傳

開寶武功仁德頌

二年十一月壬戌太常博士董淳進

太平興國南郊頌

三年王操獻南郊頌稱旨十一月己酉以爲太子中
允

太平興國平晉頌

四年五月甲申太原平直史館宋白從征因獻平晉
頌 太平興國初刁衍撰聖德頌

端拱聖德頌

梁鼎端拱初獻聖德徽號頌萬餘言

端拱秘閣頌

端拱初新建秘閣命中書試崔遵度作頌一首擢著作佐
太宗議封禪趙孚上封禪頌

咸平幸太學頌

劉錯咸平二年擢進士第嘗獻幸太學頌真宗中夜
觀書得錯頌頗嘉賞之出以示輔臣召試直史館

景德五頌

夏竦進平邊廣文朝陵廣農周伯星五頌

并大中祥

符頌

明鎬上真宗頌四十六篇詔獎之

祥符頌

元年正月甲申以錢惟演知制誥獻祥符頌故擢之
三年一月壬辰直史館陳靖上祥符超古頌 又夏
竦進太中祥符頌

祥符河清頌

三年十一月庚子陝州靈寶縣言黃河清言二月庚
戌寶鼎縣黃河再清上作七言詩賜近臣畢和集賢
校理晏殊上河清頌

宋元嘉中河濟清鮑照作河清頌

祥符汾陰朝覲壇頌

五年三月初命王旦撰祀汾陰壇頌王欽若撰朝覲

壇頌陳堯叟撰親謁后上廟頌庚戌旦等以頌成進
邑封

天禧惟德動天頌

元年十月丁卯集賢校理晏殊以歲經蝗旱上軫皇
慮災沴已息稼穡大稔獻惟德動天頌詔褒之序曰
雲漢興詠周宣厲統業之懷雩場改祈漢明述哀○
之詔雨蟲墜地稜孽坐銷原菽穠生良苗自熟

天禧聖德頌

五年五月太常博士鄭向上

天聖文明頌

四年九月一日程戡進文明頌
二年胡宿作烈文

即政頌

明道藉田頌
皇祐明堂頌

見藉田及明堂類

慶曆聖德頌

三年四月直講石介作慶曆聖德頌凡九百六十字
言進賢退姦之不易曰明與斷

宋頌

仁宗時石介甫取太祖太宗真宗仁宗功德之尤著
見者爲宋頌九篇一曰皇祖太祖初用師伐潞州殺

李伐揚州滅李重進也二曰聖神太祖出師要長少且假道徑遂取荆潭也三曰湯湯太祖收蜀取孟昶也四曰莫醜太祖用周渭之策命潘美取廣州也五曰金陵太祖命師取李煜也六曰聖文錢俶以吳越歸也七曰六合雷聲太宗親征太原取劉繼元也八曰聖武戎犯我疆至于漕淵真宗親臨六師射殺戎首軍不得歸乞盟請和也九曰明道今皇帝獨臨軒屏聽決萬機睿謨聖政赫然日新也惟帝之道與時語默靜則坤闔動則乾闢十年深宮不有其權今日南面退姦進賢德與辭表裏功與文相埒然後奮

爲宏休摛爲英聲昭爲烈光曄曄曄曄如日之華鏗鏗訶訶如雷之行揚於無前揚於無上江浸海流天高地厚不有窮盡

張方平爲宋頌十五章上下二什天假之什八篇繫之先帝日之初升之什七篇繫之今上

作於再臨軒

錄士之春

天假先帝封岱薦謚告祖宗也大定祀烈祖

也日噬祀太宗也報成告上帝上岱宗封也有北北鄙始賓也有謚上帝天錫寶書也祈汾陰祀后土也龍登于天升陪京營祖廟也日之初升上始卽政也天監有東南郊也民懷母后佑臨御也皇造祀真宗

也有浚者泉大裕祖宗也載耜修千畝也成重民政
也

宋祁有皇帝神武頌

皇祐聖政惟公頌

皇祐手詔禁貴戚近習私謁王疇獻聖政惟公頌詔
獎之遂召試直秘閣

嘉祐裕享受釐頌

四年十二月十五日磁州防禦使承亮上裕享受釐
頌詔獎之梅堯臣裕禮頌聖德詩曰溥哉孝享將
事于寧文武卿士冠劔在庭帝入靈宮左撞黃鍾升

階置玉日氣撞鴻鴻曩氛駁除掃宿于太宮月
星皓皓 世滋進恭謝禮成頌 世準進鼎頌

皇祐中

紹興聖德頌 淳熙中興聖德頌

紹興十三年十一月一日王仲疑上紹興聖德頌詔
復職 淳熙七年二月二十七日陳岩肖上中興聖
德頌宣付史館十年五月文林郎李揆上頌堯賦
孝宗初崔端詩作紹隆聖德詩二百七韻具載二聖
傳授之盛

淳熙明堂頌

見明堂

文心雕龍昔帝嚳之世咸墨為頌以歌九韶自商以

下文理允備頌主告神義必純美文章流別論曰魯頌詩之美耑也魯

以公旦次編商人以前王追錄斯乃宗廟之正歌非

饗讌之恒詠也商頌非以成功德告神其體異於周頌魯頌與

至於秦政刻文爰頌其德見史漢之惠景李

亦有述容若夫子雲之表充國見漢書孟堅

仲武之美顯宗顯宗史岑之

述熹后流別集及集林載史或擬清廟或範駟那至

於班傳之北征西逝變為序引班固傳毅寶將軍北征頌又班固東巡南

嘉靖丙辰年
三屏
監生陸

頌馬融之廣成上林雅而似賦傳見本崔瑗文學蔡邕

樊渠瑗南陽文學頌蔡邕京兆樊惠渠頌並見陳思

所綴以皇太子為標皇太子生頌見初學記陸機積篇

唯功臣寂顯覲文原夫頌惟典雅辭必清鑠敷寫似

賦而不入華侈之區敬慎如銘而異乎規戒之域

文章流別論班固為安豐戴侯頌史岑為出師頌和

熹鄧后頌與魯頌體意相類揚雄趙充國頌頌而似

雅傳毅顯宗頌文與周頌相似而雜以風雅之意若

馬融廣成上林之屬純為今賦之體而謂之頌失之

遠矣

六十卷終